

Siunnersuummut nassuaatit

Nassuaatit nalinginnaasut

Aallaqqaasiut

Siunnersuut pasinapiluttumik kalerriisunik illersuiffiusumik pasinapiluttumik kalerriisut pillugit inatsisissatut Naalakkersuisut siunnersuummik suliaqarnissaannik saqqummiinissaanillu suliallu taassuma aalajangiiffigisassatut matuma akuerineqarnerata kinguninngua Naalakkersuisut aallartitsinissamik peqquneqarnissaannik Inatsisartut aalajangiinerat tunngavigalugu suliarineqarpoq UKA 2022-mi immikkoortoq 35.

Siunnersuut inatsisinik atuuttunik unioqqutitsinernik kikkut tamarmik isumannaatsumik toqqissimanartumillu nalunaaruteqarnissaannik tunngaveqarpoq. Sulisitsisoq tunuarsimaassanngilaq pineqartorlu nalunaaruteqassanersoq pillugu isumaliutimini pillaammik akiniuteqartoqassanersoq annilaangassutigissanagu.

Inatsisinut Ataatsimiititaliap suliarinninnerani Naalakkersuisut inuit EU-mi inatsisinik unioqqutitsinernik nalunaaruteqartut illersorneqarnerat pillugu EU-mi malitassaq 2019/1937 23. oktober, 2019-imeersoq aamma pasinapiluttumik kalerriisunik illersuineq pillugu Danmarkimi inatsit nr. 1436 29. juni 2021-meersoq aallaavigeqquullugit aamma Savalimmuni Islandimi immikkoortumut inatsisit isumassarsiorfigeqquullugit kaammattorneqarput. Naalakkersuisut aamma Namminersorlutik Oqartussani aaqqissuussineq atutereersoq isummerfigaat, tassanngaaniillu, tassunga ilanggullugit aaqqissuussineq taanna pillugu isornartorsiutaanikkuusut isumassarsiorlutik.

UKA 2022-mi taaguutip whistleblowerip nutserneqarnissaanik Oqaasiliortut attavigineqassasut Inatsisinut ataatsimiititaliap Naalakkersuisut kaammattorpai. Tamanna tunngavigalugu Naalakkersuisut Oqaasiliortut attavigaat, Oqaasiliortullu aalajangiippit, whistleblower, pasinapiluttumik kalerriisoq, whistleblowing, pasinapiluttumik kalerriineq aammalu whistleblowerordning, pasinapiluttoqarneranik kalerriisoqarsinnaatitsineq, nutserneqassasut akuersissutigineqarluni. Taaguutit taakku manna inatsisissatut siunnersummi atorneqassapput.

Naalakkersuisut Transparency International Greenland (TIG) inatsimmik suliaqarnermut atatillugu siunersiorpaat.

Siunnersummi pingasunik pingaarnernik siunertaqartoqarpoq. Siulleq tassaavoq namminersortuni pisortaniluunniit sulineq apeqquaatinngu pasinapiluttoqarneranik

kalerriisoqarsinnaatitsinermut nalunaaruteqarnernut ataatsimut sinaakkusiorneq. Siunertap aappaa tassaavoq sulisitsisut inunnik pasinapiluttoqarneranik kalerriisoqarsinnaatitsinermut nalunaarutiginnittunik soraarsitsisut, nuutsitsisut suliassaannilluunniit allannguisut uppernarsaasiornissaannut malittarisassaq annertusisaq atutissasoq. Naggasiullugu inuit nalunaaruteqartut tamassumalu kingorna pillaatitut akiniarneqartut pissutsit nunatsinni suliffeqarnermi atuuttut mianeralugit naleqquttimik taarsiivigineqarnissaat siunnersuummi isumagineqassasoq.

Nalunaaruteqarnernut ataatsimut sinaakkuteqarneq kinguneqarpoq, pisortani namminersortunilu sulisitsisut tamarmik 30-t sinnerlugit sulisoqartut avataani pasinapiluttoqarneranik kalerriisoqarsinnaatitsinermut pilersitsissasut. Avataani pasinapiluttoqarneranik kalerriisoqarsinnaatitsinermi kinguneqarpoq, aaqqissuussineq suliffeqarfiup immikkuualuttut pillugit akuliuffissarinngisaanik avataani suleqatigisamit aqunneqassasoq taannalu aalajangiisassasoq. Suliffeqarfiit aningaasartuutit ikilisinnissaat siunertaralugu ataatsimut nalunaaruteqartarfiliorsinnaapput. Suliffeqarfiit namminersortut tamarmik tassunga atugassamik suliffeqarfimmi inummit immikkoortortamilluunniit aqunneqartumik aalajangiiffiusartumillu suliffimmi pasinapiluttoqarneranik kalerriisoqarsinnaatitsinermik pilersitsisinnaapput. Suliffimmi pasinapiluttoqarneranik kalerriisoqarsinnaatitsineq tassaavoq suliffeqarfiit pasinapiluttimik kalerriisut nalunaarutaasa aallartinneranni iliuuseqarfiginissaanik soqutigisaqarsinnaanerat tunngaviuvoq.

Inuussutissarsiutinut aalajangersimasunut ilaatigut aningaasaqarnermik inuussutissarsiutinut pasinapiluttoqarneranik kalerriisoqarsinnaatitsineq pillugu inatsiseqareerpoq. Siunnersuut taakkununnga tunngatillugu ilassutaassaaq.

2. Siunnersuummi immikkoortut pingaarcerit

Inatsisartut inatsisaat inatsisinik annertuumik pissutsinillu mianernartunik allanik unioqqutitsinernut atuuttoq siunnersuummi aalajangersarneqarpoq. Inatsisartut inatsisaat suliffimmi avataanilu aaqqissuussinernut nalunaaruteqarnernut aamma pasinapiluttimik kalerriisup paasissutissanik tamanut saqqummiussinerani atorneqarsinnaavoq.

Pisortani namminersortunilu sulisitsisut tamarmik 30-t sinnerlugit sulisoqartut pasinapiluttoqarneranik kalerriisoqarsinnaatitsinermik pilersitsissapput.

Pasinapiluttoqarneranik kalerriisoqarsinnaatitsinermik pilersitsisussaatitaanermut ilaatinneqartut aaqqissuussinermi suliassanik suliarinnittussamik avataani suleqatigisat pingajuannut aallaaviusumik isumaqatigiissuteqassapput.

Suliffeqarfifit namminersortut tamatuma saniatigut suliffimmi pasinapiluttoqarneranik kalerriisoqarsinnaatisinermut pilersitsisinnapput.

Sulisitsisut suliffimmi avataanilu aaqqissuussinerni pasinapiluttoqarneranik kalerriisoqarsinnaatisinermut qanoq nalunaaruteqartoqarsinnaanera pillugu sulisunut ilisimatitsissapput, aamma sulisitsisut immaqalu avataani suleqatit pingajuata pasinapiluttumik kalerriisup kinaanerata isertuunneqarnissaq ulakkiissavaat. Suliffeqarfissuaqarnermik aaqqissuussinerni suliffeqarfifit namminersortut ataaatsimut aaqqissuussineq atorsinnaavaat. Suliffeqarfifit namminersortut suliffimmi pasinapiluttoqarneranik kalerriisoqarsinnaatisinermik isumalluutinik suliffeqarfinnik namminersortunik allanik avitseqateqarsinnaapput.

Suliffeqarfifit namminersortut tamarmik – sulisut amerlassusaat apeqqutaatinnagu - immikkoortortaqarfimmit inummilluunniit suliffeqarfimmi namminermi suliaqartoqarlutik pasinapiluttoqarneranik kalerriisoqarsinnaatisinermut pilersitsisinnapput. Suliffimmi pasinapiluttoqarneranik kalerriisoqarsinnaatisinermi siunertaq tassaavoq suliffeqarfifit suliassanik ajornannngitsumik sukkasuumillu suliaqarfiusartumik immaqalu suliat ajortumik annertusiartunnginneranni aallartinneranni suliaqarfiusartussamik aaqqissuussinissamut periarfissaqarnissaat.

Pasinapiluttoqarneranik kalerriisarnermik aaqqissuussinermut atatillugu, pasinapiluttoqarneranik kalerriutigineqartuni sulianut atatillugu suliap ingerlanneqarneranut killissanik nassuaasunik immikkut piffissamik killiliisoqarpoq. Piffissaliussanut malittarisassat tassaapput nalunaarutip tiguneranik uppermarsaanissamut ullut arfineq marluk suliallu suliarineqarnissaannut qaammatit pingasut. Taakku malinneqanngippata pasinapiluttumik kalerriisup tamanna Naalakkersuisunut maalaarutigisinnaavaa. Naalakkersuisut naliliippata qaangiinermut suliap suunera imarisaalu kisimik pissutaanngitsut, Naalakkersuisut alla avataanilu suleqatit pingajuat suliassamik suliariinninnissamut akisussaasussaq toqqarsinnaavaat. Suliap suliarineqarnerani aningaasartuutit sulisitsisup akilissavai. Sulisitsisoq akiliisarnermik unitsitsisoq allamilluunniit pissuteqarluni aningaasartutit akilersinnaanngippagut taakku Nunatta Karsianit akilerneqassapput.

Siunnersuut sulisitsisoq pasinapiluttumik kalerriisutut nalunaarutiginnittumik allamut nuussisoq suliassanilluunniit annertuumik allannguisoq annertusisamik uppermarsaanissaanut malittarisassanik imaqarpoq. Tassa sulisitsisoq pasinapiluttumik kalerriisumik soraarsitsinermut, allamut nuussinermut suliassanilluunniit annertuumik allannguinissamut

immikkut pissuteqartuussaaq, taamaanngippat taamatut ilorneq pasinapiluttumik kalerriisup nalunaaruteqarneranik pissuteqartoq isumaqarfingineqarsinnaammatt.

Pasinapiluttumik kalerriisup pasinapiluttumik kalerriisutut nalunaaruteqartoq soraarsinneqarpat imaluunniit pillaatitut akiniarneqarpat sulisoq najugaqarfimmini imaluunniit suliffeqarfiup inuussutissarsiutit immikkoortuata assingani killeqartumi nutaamik suliffissarinissaq ajornartitorujussuusinnaavaa. Taamaammat siunnersuutigineqarpoq pasinapiluttumik kalerriisoq pasinapiluttumik kalerriisutut nalunaaruteqarneranik upernarsarneqarsinnaasumik pissuteqartumik pillaatitut akiniarneqartoq malunnartumik annertuumik taarsiivigineqassasoq. Nunatsinni suliffeqarfiit mikisut amerlasuut pasinapiluttumik kalerriisup kinaanerata isertuunneqarnissaata qulakkeernissaa amerlasuutigut ajornakusoortissinnaavaat. Taamaammat imaasinnaavoq tamanna pasinapiluttumik kalerriisumut siullermik suliffimmi tullianilu najukkami ajornerpaaffianiluunniit nunami tamarmi ajortunik kinguneqartoq. Pasinapiluttumik kalerriisoq annertuunik pisoqartillugu ilaqtanilu najugaqarfimminniit immaqa nuuttariaqalersinnaapput.

Siunnersummi pasinapiluttumik kalerriisup kinaanerata illersorneqarnissaata iliuuseqarfiginissaanut aalajangersakkat ilanngunneqarput. Malittarisassalli taakku kinaanerup isertuunneqarnissaata qulakkeernissanut qulakkeerutaanngillat qulakkeerutaasinnaanatillu.

Naalakkersuisut avataani pasinapiluttumik kalerriisut pillugit suliat pillugit pissarsisinnaanerat Inatsisartut inatsisaanni ilanngunneqarpoq. Taanna paasissutissat inatsisip atornerani aaqqiinissanik annertusaanissanillu pisariaqartitsisoqarneranik nalilersuinermi ilanngunneqarsinnaasut qulakkeernissaannut atorneqassaaq.

3. Pisortanut aningaasatigut allaffisornermullu kingunissai

Missingerneqarpoq siunnersuutip Namminersorlutik Oqartussanut aningaasatigut kingunissai ukiumut 1. mio. kruunit missaaniissasut. Namminersornerullutik Oqartussat avataani suleqatigisamut isumaqatigiissusiornissaannik Inatsisartut inatsisaanni peqquneqarnerat tamassumunnga pissutaavoq. Kisitsimmi nalunaaruteqarnermi suliat aamma pasinapiluttoqarneranik kalerriisoqarsinnaatitsinermi Inatsisartut inatsisaanni piffissaliussanik malinngitsoqartillugu suliffeqarfinnit sulianik nakkutiliinermi iliuuseqarnermilu suliat ukiumut 10-nit 15-inut aallaaviusoq. Missingiineq taanna annertuumik nalorninartoqarpoq, tassa Inatsisartut inatsisaata kinguneranik suliat nutaat ullumikkut amerlasussaannut sanilliullugu qanoq amerlatigissanersut eqqoriaruminaammat. Tamatuma saniatigut Inatsisartut inatsisaata atuutilerneranut atatillugu suliffeqarfiit pisussaaffiinik innuttaasullu

pisinnaatitaaffiinik paasitsiniaanermut 100.000 kr.-t missaannik annertussusilinnik ataasiartumik aningaasartuuteqartoqassaaq.

Taamatuttaaq missingerneqarpoq siunnersuut Namminersorlutik Oqartussani sulisut 4.000 missaaniinnerat tassanilu ukiumut suliat quliniit 15-inut amerlassuseqarnissaat aallaavigalugit kommunini ataasiakkaani ukiumut 300.000 kr.-t sinnernagit aningaasartuuteqarnerunermik kinguneqassasoq, kommuninilu tallimani 6.000-nik sulisoqartillugu ilimagineqartariaqarpoq kommuninut tallimanut taakkununnga agguarlugit suliat 15-it 22,5-illu akornanniissasut.

Missingerneqarpoq suliffeqarfintut nammieertitanut Nukissiorfimmut Asiamullu aningaasatigut kingunissai ukiumut 100.000 koruuninit ikinnerussasut. Ilimageqarpoq suliffeqarfiit nammieertitat il.il. avataani suleqatit pingajuannut isumaqatigiissuteqareerpata aningaasartuutit amerlissanngitsut.

Ilimageqarpoq pasinapiluttunik kalerrisnarnermut aaqqissuussinernik naliliisinnaanerat siunertaralugu Naalakkersuisut paasissutissanik § 27 naapertorlugu pissarsisnarnermik aaqqissuussinerannut aqtsinerannullu atatillugu annikitsumik aningaasatigut kinguneqassasoq.

4. Inuussutissarsiortunut aningaasatigut allaffisornermullu kingunissai

Ilimageqarpoq siunnersuutip inuussutissarsiortut aningaasartuutaat amerlisissagai, tassa suliffeqarfiit 30-t sinnerlugit sulisoqartut nalunaaruteqarfimmik pilersitsissammata, tamannalu Inatsisartut inatsisaat malillugu nalunaarutinik suliaqarsinnaasumik avataani sumulluunniit atassuteqanngitsumik suleqatit pingajuannik suleqateqarnermik kinguneqassaaq. Aningaasatigut kingunissaannut taamaalilluni nalunaaruteqartoqartarnersoq avataanilu suleqatit pingajuat siumut akilerneqarnissamik piumasaqassanersoq apeqqutaapput.

Kalaallit Nunaanni 30-it sinnerlugit sulisullit 2020-mi 88-iupput. Suliffeqarfiimi isumalluutit tiimimut 500 koruuninik avataani isumalluutit tiimimut 2.000 kroniinik akeqartut ataani tunngavigineqarpoq. Aamma Inatsisartut inatsisaata atuutilersinneranut suliffeqarfimmil missingerlugu 45 tiimit atorneqassasut pasinapiluttumik kalerrinermilu suliat avataani suleqatip pingajuata suliaqarnermini agguaqatigiissillugu 5 tiiminik atuisarnissaa tunngavigineqarpoq. Naggasiullugu suliffeqarfinni namminersortuni sulisut kommunit Namminersorlutillu Oqartussani sulisut amerlaqtigipajaaraat tunngavigalugu suliffeqarfiit akimorlugit nalunaarutit ukiumut 25-nit 30-nut amerlassuseqarnissaat tunngavigineqarpoq.

Qulaaniittut tunngavigalugit ilimagineqartariaqarpoq namminersorlutik inuussutissarsiuteqartut Inatsisartut inatsisaata atuutilersinneqarata kingorna ukiumi siullermi

3,5 millioner koruuninik aningaasartuuteqassasut, ukiunilu tulliuttuni nalunaaruteqartarfiup atuutitinnissaanut ukumui ataatsimi aningaasartuutissat 1 million koruuninut missingerneqarput.

5. Avatangiisinut, pinngortitamut innuttaasullu peqqissusaannut kingunissai

Ilimagineqarpoq avatangiisinut, pinngortitamut innuttaasullu peqqissusaannut kinguneqassanngitsoq.

6. Innuttaasunut kingunissai

Ilimagineqarpoq siunnersuut sulisut atugarissaarnerannut toqqisisimanagerannullu pitsasumik sunniuteqassasoq.

Ilimagineqarpoq siunnersuut naligiissitaanermut pitsasumik sunniuteqassasoq, tassa pasinapiluttoqarneranik kalerrisoqarsinnaatitsineq assigiinngitsinernik il.il. nalunaarutit amerlinerannikkinguneqarsinnaammatt.

Tamakku sanitigut allanik kinguneqarnissaa ilimagineqanngilaq.

7. Kingunissai pingaaruteqartut allat

Siunnersuut allanik pingaaruteqartunik kinguneqartussaanngitsutut igineqarpoq.

8. Oqartussanut kattuffinnut il.il. tusarniaaneq

Siunnersuut piffissami 1. juni 2023-mit 30. juni 2023-mut ukununnga tusarniutigineqarpoq:
Siulittaasup Naalakkersuisoqarfia, Aatsitassanut Inatsisillu Atuutsinneqarnerannut
Naalakkersuisoqarfik, Nunanut Allanut, Inuussutissarsiornermut Niuermullut
Naalakkersuisoqarfik, Isumaginninnermut Suliffeqarnermullu Naalakkersuisoqarfik,
Ilinniartitaanermut, Kultureqarnermut, Timersornermut Ilageeqarnermullu
Naalakkersuisoqarfik, Peqqissutsimut Naalakkersuisoqarfik, Nunalerinermut, Imminut
Pilersornermut, Nukissiuutinut Avatangiisinullu Naalakkersuisoqarfik, Ineqarnermut
Attaveqaasersuutinullu Naalakkersuisoqarfik, Meeqqanut, Inuuusuttunut Ilaqutariinnullu
Naalakkersuisoqarfik, SIK, BDO, Deloitte, BK Revision, EY Grønland, PWC Grønland,
Nunatsinni Advokatit, Grønlands Revision, GE, Sulisisitut, GrønlandsBANKEN,
BankNordik, SISA, NUSUKA, Avannaata Kommunia, Kommuneqarfik Sermersooq,
Kommune Qeqertalik, Qeqqata Kommunia, Kommune Kujalleq, Kalaallit Nunaata Radioa
(KNR), Sermitsiaq AG, Inuit Pisinnatitaaffiinut Siunnersuisoqatigiit, Transparency
International Greenland, Kalaallit Nunaanni Politit Pisortaat, Pinerlutsaaliuinermut
Siunnersuisoqatigiit, Kalaallit Nunaanni Naligiissitaanermut Siunnersuisoqatigiit, IMAK,
ASG, PPK, AK (Atorfillit Kattuffiat), Royal Greenland A/S, Royal Arctic Line A/S, KNI

A/S, Great Greenland A/S, Visit Greenland A/S, INI A/S, Tusass A/S, Air Greenland A/S, Greenland Holding A/S, Illuut A/S, Greenland Oil Spill Response A/S, Sikuki Nuuk Harbour, Kalaallit Airports A/S, NUNAOIL A/S, Nukissiorfiit, Mittarfeqarfik, Asiaq, Qeqertalik Business Council A/S, Blue Water Shipping, Kalaallit Nunaanni Suliffinnik Nakkutilliisoqarfik, Nunatsinni Advokatit - Grønlandske Advokater.

Siunnersuut tamassuma saniatigut piffissami tassani tusarniaanermut nittartakkami takuneqarsinnaavoq.

Tusarniaanermut piffissaliussap naanerni tusarniaaffigineqartunit ukuninnga tusarniaanermi akissutinik tigusaqartoqarpoq:

Aalisarnermut Piniarnermullu Naalakkersuisoqarfik, SISA Pension, Kalaallit Airports Holdning A/S, Siulittaasup Naalakkersuisoqarfia, Kommuneqarfik Sermersooq, Ilisimatusarfik, Rigspolitiet, INI, ASG, Meeqqanut, Inuuusuttunut Ilaqutariinnullu Naalakkersuisoqarfik, Nunanut allanut, Inuussutissarsiornermut Niuernermullu Naalakkersuisoqarfik, Sulisitsisut, IMAK, Ineqarnermut Attaveqaasersuutinullu Naalakkersuisoqarfik, Transparency International Greenland (TIG), Digitaalinngorsaanermut Aqutsisoqarfik.

Siunnersummi aalajangersakkanut ataasiakkaanut nassuaatit

§ 1-imut

Imm. 1-imi siunnersuutigineqarpoq Inatsisartut inatsisaat inatsisinik mianernartunillu allanik annertuumik unioqqutitsinerit pillugit nalunaarutinut atuutissasoq.

Tunngavimmi ”inatsisinik mianernartunillu allanik annertuumik unioqqutitsinerit” pineqarpoq pissutsit innuttaasut soqtigisaasa qulaajarneqarnissaat aallaaviusumik pineqassasut.

Nalunaarut inatsisinik pissutinillu allanik annertuumik unioqqutitsinertut isigineqarsinnaanersoq pisuni ataasiakkaani nalilersuineq apeqqutaassaaq. Kinaassusersiunngitsumik tunngavik pineqarpoq, tassani nalunaarut Inatsisartut inatsisaata atuuffiata iluaniinnersoq avataaniinnersorluunniit eqqartuussivit naggataatigut nalilersuissallutik. Atuuffiani paasissutissani pissutsit pineqaatissiissutaasinnaasut nalinginnaasumik pineqassapput, tassunga ilanngullugit nipangiussimasussaatitaanermik, aningaasanik atornerluilluni, tillilluni, peqquserlulluni, allap piinik peqquserlulluni, peqquserluttuliorluni akiliilluni peqqusersortitsilluni unioqqutitsinerit.

Inatsisinik annertuumik uteqattaartumilluunniit unioqqutitsinerit, tassunga ilanngullugit pissaanermik atuineq pillugu inatsit, pisortat ingerlatsineranni suliassat suliarineqartarnerat pillugu inatsit, pisortat ingerlatsinerat pillugu paasitinneqarsinnaatitaaneq pillugu inatsit aamma pissutsit malillugit inatsisit assersuutigalugu innuttaasut peqqissusiisa, assartuinermi isumannaallisaanerup imaluunniit pinngortitamik avatangiisink il.il.illersuinerup quakkeernissaannik siunertaqarfiusut ilaapput.

Pisortani annertuunik ingerlatsinermi tunngavinnik annertuumik uteqattaartumillu unioqqutitsinerit, tassunga ilanngullugit misissuisarnermik tunngavik, kinaassusersiunnginnissamik piumasaqaat, pissaanermik atornerluinnginnissamik tunngavik aamma assigiimmik pinninnissaq ilaassapput. Innutaasunik suleqatigisanillu salloqittaaneq aamma ilaassaaq.

Pasinapiluttumik kalerriisup nammineq atorfecarnermi atukkaminik nalunaarutai annertuumik inatsisinik mianernartunilu allanik unioqqutitsineq pineqanngippata, taamatut nalunaaruteqarneq Inatsisartut inatsisaata atuuffiata aallaaviusumik avataaniissapput. Ilaatigut suliffimmi kinguaassiutinut attuumassuteqartunik uumisaarineq inuillu akornanni aporaanerit allat, assersuutigalugu annertuumik, ilaapput.

Kinguaassiuutinut attuumassuteqartunik uumisaarineq angutit arnallu naligiissitaanerat pillugu Inatisartut inatsisaanni § 4, imm. 2-mi nassuaatit naapertorlugit paasineqassaaq. Naalakkersuisut inatsisissatut siunnersummik saqqummiussinermut peqatigitillugu naligiissitaaneq aamma assigiinngisitsisarnerup akiornera pillugu inatsisissatut siunnersuutit (UKA 2023/17) saqqummiuppaat, tamanna ilaatigut naligiissitaaneq pillugu inatsisip atuuttup atorunnaarsinneqarneranik kinguneqassaaq. Aamma kinguaassiuutinut tunngasunik uumisaarinermik nassuaatit imatut nutarterneqarput, inuup ataqqinassusia innarlernissaa siunertalarugu oqaatitigut, oqaasiunngitsukkut kinguaassiuutit pillugit maluginiarnartumik kissaatigineqanngitsumik pissusilersoneq, pingaartumik nuanninngitsumik akaareqatigiinngiffiusumik sioorasaarineq, akeqqersimaarneq, nakkarsaaneq nikanarsaanerlu. Kinguaassiuutinut tunngasunik pissusilersoneq qaqugukkut kinguaassiuutinut tunngasumik qinngasaarineruneranik paasineqarnissaanut annikinnerpaaffissaa nassuiardeqanngilaq. "Kinguaassiuutinut tunngasumik pissusilersoneq" sunaaneranik paasinninnermi taamaalilluni inuup killingi apeqqutaapput, takkulu inummiit inummut assigiinngissinnaapput. Kisianni kisianni iliuuseqarnerup (pissusilersonerup) pineqarnissaat aassumalu kissaatigineqanngitsutut misigineqarnissaat piumasaqaataavoq. Kinguaassiuutinut tunngasunik uumisaarinermik sumilluunniit nalunaaruteqarnerit nassuaat taanna atorlugu Inatsisartut inatsisaata imarisaatigut atuuffianut ilaassapput.

Uumisaarinerit allat suulluunniit, assersuutigalugu race, politikkikkut upperisakkalluunniit sumut ilaaneq il.il., Inatsisartut inatsisaata atuuffianut ilaapput. Annertuumik uumisaarisoqarnersoq taamaalilluni pisuni ataasiakkaani naliliineq apeqqutaassaaq, oqaatigineqassallunili uumisaarinermut assersuutit qulaani taaneqartut annertuumik uumisaarinertut nalinginnaasumik isigineqassasut.

Taamatut qaqugukkut unioqqutitsisoqarnersoq atuuffianik paasinninneq tunngavigalugu naliliineq apeqqutaavoq. Annikitsumik unioqqutitsinerit ilatinneqassanngillat, aalajangersakkanillu saniatigullu aalajangersakkanik unioqqutitsinerit, tassunga ilanngullugit uppernarsaasiortussaatitaaneq imaluunniit nalunaaruteqartussaatitaaneq aallaaviusumik atuuffiata avataaniissapput.

Pissutsit allat pillugit paassisutissat, tassunga ilanngullugit suliffimmi najoqqutassianik annertunnginnerusumik unioqqutitsinerit pillugit paassisutissat, tassunga ilanngullugit napparsimaneq pissutigalugu sulinnginneq, imigassaq, atisalersortariaaseq, allaffimmi atortunik suliffiup avataani atuineq il.il. aamma suliffimmi inunnut tunngasunik aporaannerit allat, annertuumik unioqqutitsinertut aallaaviusumik isigineqassanngillat, taamaalillunilu Inatsisartut inatsisaata atuuffianut ilaatinneqassanatik. Paasisutissat taamaattut malittarisassat

najooqqulassiallu atuuttut naapertorlugit aqutsisumut qaninnermut, sulisoqarnermut/HR-imut immikkoortortaqarfimmut sinniisumulluunniit nalunaarutigineqarsinnaassapput.

Taamaalilluni sulisut marluk arlallilluunniit akornanni aporaannerit aamma inuit namminneq atorfeqarnerminni pissutsit pillugit nalunaarutit atuuffissaatut siunnersutigineqartup avataaniittuusut ersarissumik aallaaviussaaq, takujulli kinguaassiuutinut tunngasunik uumisaarineq annertuumillu uumisaarineq pillugit qulaaniittooq

Sulisut akornanni isumaqatigiinnginnerit il.il. suliffimmi suliaqarfimmilu iliuuseqarfigineqarnissaat ersarissumik aallaaviussaaq. Immikkulli pisoqarsinnaavoq, tassani suleqatigiinnissamik ajornartorsiutit annikitsut inuit inuunerannut peqqusiannullu ajoqtaariaannaallutik imaluunniit annertuumik ajoqusernermik kinguneqariaannaallutik. Assersuutigalugu tassaasinnaapput suliassat suleriaatsillu pingaaruteqartut, tassunga ilanngullugit peqqinnissaqarfimmilu assartuinermillu inuussutissarsiorfmmi, inuit akornanni aporaannerit kingunerannik ajornerulersinnaasut.

Assersuutitut eqqarsaatigineqarsinnaavoq inuit pingaaruteqartumik suliaqartut suliaqarfianniluunniit inuit inuunerannik peqqissusiinillu akisussaasut, assersuutigalugu assartuinermik akisussaasut peqqinnissaqarfimmiluunniit sulisut, akornanni isumaqatigiinnginnerit annikitsut annertuumik ajoquseriataarsinnaanermik kinguneqarsinnaasut. Pissutsit taamaattut Inatsisartut inatsisaat tunngavigalugu mianernartuuusutut aamma isigineqarsinnaapput.

Atorfeqarnermi pissutsit allat, tassunga ilanngullugit sulisut sulisitsisullu kattuffisa akornanni aporaannerit, taamaalillutik Inatsisartut inatsisaata imarisatigut atuuffiata avataaniittuunerat ersarissumik aallaaviussaaq.

Aamma oqaatigineqassaaq pissutsit inatsisip atuutilersinneqannginnerani pisut nalunaarutigineqarsinnaassasut, nalunaarutillu taamaattut Inatsisartut inatsisaata atuuffiata iluaniippata itigartinneqarsinnaanngitsut. Kisianni Inatsisartut inatsisaata atuutilersinneqannginnerani pisut pillugit nalunaarutinut suliniutit suut nalunaarummik naammattumik nangitseqqinnerunerannut pissutsit apeqqutaatillugit sunniuteqarsinnaassapput.

Nalunaarut tiguneqartoq atuuffiata qulaani taaneqartup avataaniippat, pasinapiluttumik kaleriinermi suliaqartut nalunaaruteqarnermut tunngatillugu iliuuseqaqqinnissamut pisussaaffeqanngillat. Nalunaaruteqartoq tamassuma kinguneranik Inatsisartut inatsisaat malillugu illersorneqartussaatitaanngilaq.

Inuussutissarsiuteqartuni namminersortuni suliffimmi pasinapiluttumik kalerriinermi suliaqartut nalunaarutip atuuffiata iluaniinngitsutut nalilerneqartoq paasissutissallu sumi suliarineqarsinnaanersut, assersuutigalugu sulisoqarnermut/HR-imut immikkoortortaqarfimmi imaluunniit sinniisumit il.il., nalunaaruteqartumut ilisimatitsissutiginissa toqqarsinnaavaat.

Imm. 2-mi siunnersuutigineqarpoq nalunaaruteqarneq imm. 1.imi pisunut ilaanngippat, Inatsisartut inatsisaat illersornermi sillimaniarnermilu pissutsit pillugit neqeroortitsinernut malittarisassanik unioqqutitsineq pillugu nalunaarutinut atuutissanngitsoq.

Aamma nalunaarutip Inatsisartut inatsisaata imarisaatigut atuuffiata avataaniittuunerani inatsisilerinermi kingunissai pillugit imm. 1-imut nassuaatit aamma innersuussutigineqarput.

Imm. 3, nr. 1-imu siunnersuutigineqarpoq Inatsisartut inatsisaat paasissutissanut eqqartuussisaaseq pillugu inatsimmi § 81 naapertorlugu eqqartuussissuserisut nipangiusimasussaatitaanerannut ilasunut atuutissanngitsoq.

Imm. 3, nr. 2-mi siunnersuutigineqarpoq, Inatsisartut inatsisaat paasissutissanut napparsimasut inatsisitigut inissisimanerat pillugu Inatsisartut peqqussutaanni § 23 naapertorlugu peqqinnissaqarimmi sulisut nipangiusimasussaatitaanerannut atuutissanngitsoq.

Napparsimasut inatsisitigut inissisimanerat pillugu Inatsisartut peqqussutaanni § 23, imm. 1-ip kinguneranik peqqinnissaqarfimmi sulisut sulinermanni paasisaminnik imaluunniit peqqissutsimi pissutsit pillugit ilimagisaqalernerminnik paasissutissanillu allanik isertuussanik nipangiussinissaat napparsimasoq piumasaqarsinnaavoq, takukkilli napparsimasut inatsisitigut inissisimanerat pillugu Inatsisartut peqqussutaanni malittarisassat.

Imm. 3, nr. 3-mi siunnersuutigineqarpoq Inatsisartut inatsisaat eqqartuussivimmi isumasioqatigiinnernik taasinernillu nipangiusimasussaatitaanermut ilaasunut atuutissanngitsoq. Atuutsinngitassatut siunnersuutigineqartumi ilaapput isumaqatigiinnginnerit pillugit eqqartuussinerni aamma pineqaatissiinerit pillugit eqqartuussinerni eqqartuussivimmi isumasioqatigiinnerni taasinernilu paasissutissat.

Imm. 3 nr. 4-mi siunnersuutigineqarpoq Inatsisartut inatsisaat pineqaatissiinerit pillugit eqqartuussinerni sulianut atuutissanngitsoq.

Taaguut »pineqaatissiinerit pillugit eqqartuussineq« imatut paasineqassaaq pineqaatissiinermi eqqartuussinerup inatsisini kinguneri pillugit suliat tamarmik, tassunga ilanngullugit politiit

unnerluussisussaatitaasullu pinnagit suliat ingerlatsinermi oqartussanit suliarineqarnissaannik immikkut piginnaatitsissutigineqartut, assersuutigalugu akileraartarneq akitsuutilu pillugit inatsisini suliat, tassani allaffissornikkut pillaammik akiliisitsinissamut piginnaatitsisoqarpoq. Aalajangersakkami taamaalluni ilaatigut ilaapput politit inatsisinik unioqqutitsinernik misissuinerat aamma unnerluussisussaatitaasut pinerluttulerinermi suliat eqqartuussivinni suliarineqarnerannut atatillugu sulianik ingerlatsinerat.

§ 2-mut

§ 2-mi siunnersuutigineqarpoq unioqqutitsinernik nalunaarutit pillugit immikkut malittarisassat immikkoortunut aalajangersimasunut malittarisassat naapertorlugit aalajangerneqartut atuutiinnassasut. Aamma siunnersuutigineqarpoq Inatsisartut inatsisaanni matumani malittariassat pissuseq pillugu avaqqunneqarnissaangnitsumik malittarisassiortoqarsimannngippat ilassutaassasut.

Aalajangersigaq kinguneqarpoq, pasinapiluttumik kalerriisunik illersuineq pillugu immikkoortunut aalajangersimasunut immikkut malittarisassat atuutiinnassasut, Inatsisartullu inatsisaat pissutsinut tamanut immikkoortunut aalajangersimasunut malittarisassat taakku naapertorlugit malittarisassaqanngitsunut atuuttoq

Tamanna ilaatigut kinguneqarpoq, sulisitsisut 30-t ataallugit sulisoqartut, immikkoortunut aalajangersimasunut malittarisassat kingunerannik, assersuutigalugu aningaasaqarnerermik inuussutissarsiummi, pasinapiluttoqarneranik kalerriisoqarsinnaatitsinermut pilersitsisussaatitaasut inatsit manna naapertorlugu pisussaaffik sulisitsisunut 30-t sinnerlugit amerlanerusunilluunniit sulisoqartunut taamaallaat atuukkaluartoq suli pasinapiluttoqarneranik kalerriisoqarsinnaatitsineq atorneqassasoq.

Tamanna aamma kinguneqarpoq, immikkoortuni aalajangersimasuni taamaattuni aaqqissuussinerni kinaaneq isertuullugu nalunaaruteqarnissamik periarfissaqarneq pillugu piumasaqaataasinnaasut il.il. atuutiinnassasut.

Tamanna aamma kinguneqarpoq immikkoortunut aalajangersimasunut aaqqissuussinerni atuuttuni suliffimmi avataanilu pasinapiluttoqarneranik kalerriisoqarsinnaatitsinerit inatsimmi matumani malittarisassat eqqortinneqassasut, tassunga ilanggullugu immikkoortunut aalajangersimasunut inatsisit naapertorlugit sakkortunerusunik piumasaqaateqariinngippat suliassanik suliaqarnermut piumasaqaatinut tunngatillugu. Tamanna sulisitsisunut tamanut immikkoortunut aalajangersimasunut pasinapiluttoqarneranik kalerriisoqarsinnaatitsinermik ingerlataqareersunut atuuppoq, sulisitsisoq pineqartoq inatsit manna naapertorlugu 30-nik

sulisoqarnissamut killigititamut sanilliullugu pasinapiluttoqarneranik
kalerriisoqarsinnaatitsinermut pisussaaffeqarniarluni aalajangersimasunik amerlassusilinnik
sulisussaqarnermut immikkoortunut aalajangersimasunut malittarisassanik malinnittussaanera
apeqqutaatinngagu.

§ 3-mut

Imm. 1, nr. 1, litra a-mi sinnersuutigineqarpoq “unioqqutitsinerit” nassuiardeqassasut
tassaasut iliuutsit annertuumik inatsisinik mianernartunilluunniit allanik unioqqutitsinerit, tak.
§ 1, imm. 1.

Imm. 1, nr. 1, litra a-mi aamma siunnersuutigineqarpoq “unioqqutitsinerit” nassuiardeqassasut
tassaasut iliuutsit iliuuseqannginnerilluunniit malittarisassani Inatsisartut inatsisaata
atuuffianut ilaasuni, tak. § 1, imm. 1, siunertamik saneqqutsilersinnaatitsisut.

Imm. 1, nr. 2-mi siunnersuutigineqarpoq ”unioqqutitsinerit pillugit paasissutissat”
nassuiardeqassasut tassaasut paasissutissat suulluunniit, tassunga ilanngullugit suliffimmi
pasinapiluttumik kalerriisartup suliffigisaani suliffigisimasaaniluunniit imaluunniit suliffimmi
allami pasinapiluttumik kalerriisup sulinermini attaveqarfigisaani
attaveqarfigisimasaaniluunniit unioqqutitsisoqarneranik pissutissaqartumik pasitsaassaqarneq,
unioqqutitsinerit pisut unioqqutitsinerusinnaasulluunniit kiisalu unioqqutitsinernik
taamaattunik isertuussiniarnerit.

imm. 1, nr. 3-mi siunnersuutigineqarpoq ”nalunaaruteqarneq” nassuiardeqassasoq tassaasoq
unioqqutitsinerit pillugit paasissutissanik allaganngorlugu oqaasiinnartigulluunniit
nalunaaruteqarneq.

imm. 1, nr. 4-mi siunnersuutigineqarpoq ”suliffimmi nalunaaruteqarneq” nassuiardeqassasoq
tassaasoq namminorsorlutik inuussutissarsiutini suliffimmi pasinapiluttoqarneranik
kalerriisoqarsinnaatitsinermut unioqqutitsinerit pillugit paasissutissanik oqaasiinnartigut
allakkatigulluunniit nalunaaruteqarneq. Suliffimmi pasinapiluttoqarneranik
kalerriisoqarsinnaatitsinermi imatut paasineqassaaq aaqqissuussinermi nalunaarummik
tigusisut tassaasut suliffeqarfimmi il.il. nalunaaruteqarfiusumi sulisut.

Imm. 1, nr. 5-imi siunnersuutigineqarpoq ”avataanut nalunaaruteqarneq” nassuiardeqassasoq
tassaasoq avataani pasinapiluttoqarneranik kalerriisoqarsinnaatitsinermut unioqqutitsinerit
pillugit paasissutissanik oqaasiinnartigut allaganngorluguluunniit nalunaaruteqarneq.
Avataani pasinapiluttoqarneranik kalerriisoqarsinnaatitsineq imatut paasineqassaaq

nalunaarummik tigusisut tassaanngitsut suliffeqarfimmi, ingerlatsivimmi il.il.

nalunaaruteqarfiusumi sulisut.

Imm. 1, nr. 6-imi siunnersuutigineqarpoq "tamanut saqqummiussineq" paasineqassasoq tassaasoq paasissutissat pillugit paasissutissat tamanit pissarsiarineqarsinnaalersinnerat. Nassuaammi pingaartumik pineqarpoq unioqqutitsinerit pillugit paasissutissat pingaartumik nutaarsiassaleriffiit, tamat attaveqartarfiit attaveqarfiusartulluunniit assingi aqqutigalugit tamanut saqqummiunneqarnerat.

Imm. 1, nr. 7-imi siunnersuutigineqarpoq "pasinapiluttumik kalerriisoq" nassuiardeqassasoq tassaasoq inuk unioqqutitsinerit, pissutsilluunniit ilungersunartut allat pillugit paasissutissanik inuup sulinermi ingerlatsinermut atatillugu pissarsia. Aalangersakkami uku pineqarput: sulisut, namminersorlutik inuussutissarsiuteqartut, aktiaatillit, pisortani, siulersuisuni, nakkutilliinermi siunnersuisoqatigiinni suliffeqarfimmiluunniit pisortani assingani ilaasortat, piumassutsiminnik sulisut, akissarsiaqaatigalugu akissarsiaqaatiginagulu sulinermik misiliisut, inuit takkutigineqarlutik sulisut, isumaqatigiissuteqartuni aqutsisut, suliamik ingerlatsisut pilersuisui pilersuisullu, inuit paasissutissanik sulinermanni pissarsiaminnik tamassumalu kingorna kingorna suliunnaartut nalunaaruteqartut, inuit sulinermik suli aallartitsinngitsut paasissutissanik atorfinititsiniarnerup ingerlanerani imaluunniit isumaqatigiissutissanik isumaqatigiinniarnerit sioqqullugit pissarsiaminnik unioqqutitsinernik pissutsinilluunniit ilungersunartunik allanik nalunaaruteqartut. Pasinapiluttumik kalerriisarnermik paasinninnermi paasissutissanik pissarsisimaneq inunnilluunniit taakku suliaqqaarnatik pissarsiarineqarsimaneq apeqqutaangilaq. Pasinapiluttumik kalerrisumik nassuaammi paasissutissanik pissarsisimaneq imaluunniit siornatigut suliniuteqavittoqarnani inuup pissarsiarisimanera apeqqutaangilaq.

Imm. 1, nr. 8-imi siunnersuutigineqarpoq "akunnermiliuttoq" nassuiardeqassasoq tassaasoq inuk pasinapiluttumik kalerriisup sulinermut atatillugu nalunaaruteqarnerani ikiuttoq ikiunneralu isertuunneqartariaqartoq.

Imm. 1, nr. 9-mi siunnersuutigineqarpoq "sulinermut atatillugu" nassuiardeqassasoq tassaasoq namminersorlutik inuussutissarsiuteqartuni pisortanilu suliap sunnera apeqqutaatinngu maannakkut siusinnerusukkulluunniit sulineq, tassani inuit unioqqutitsinerit pillugit paasissutissanik pissarsillutik, inuillu taakku paasissutissanik taamaattunik nalunaaruteqarunik pillaammik akiniardeqariaannaasut.

Imm. 1, nr. 10-mi siunnersuutigineqarpoq "inuk attuumassuteqartoq" nassuiardeqassasoq tassaasoq inuk imaluunniit inatsisit tunngavigalugit inuttut isigineqartoq, nalunaaruteqarnermi imaluunniit tamanut saqqummiussinermi unioqqutitsisutut oqaatigineqartoq inummulluunniit

taaneqartumut attuumassuteqartoq. Inuk attuumassuteqartoq tassaaneruvoq inuup nalunaaruteqarnerani pineqartoq. Inuk attuumassuteqartoq aamma tassaasinnaavoq inummum pasinapiluttumik kalerriisup nalunaarutigisaanut attuumassuteqartoq, tassunga ilanngullugu inuup aappaa.

Imm. 1, nr. 11-mi siunnersuutigineqarpoq ”pillammik akiniutit” nassuiardeqassasut tassaasut sulinermut atatillugu toqqaannartumik toqqaannanngitsumillu iliuutsit iliuuseqannginnerilluunniit suliffimmi avataanulluunniit nalunaaruteqarnerup tamanulluunniit saqqummiinerup kingunerisai pasinapiluttumik kalerriisullu tunngavissaqanngitsumik ajoqutaasut.

Imm. 1, nr. 12-imu siunnersuutigineqarpoq ”ingerlatitseqqinneq” nassuiardeqassasoq tassaasoq nalunaaruteqarnermi oqaatigineqartut eqqortuunerannik nalunaarummik tigusisup iliusii suulluunniit, tassanilu unioqqutitsinerup nalunaarutigineqartup pinngitsoornissaa naleqqutuulluni, tassunga ilanngullugit suliffimmi misissuineq, politiit misissuinerat, eqqartuussisutigoortitsineq, aningaasat utertinniarlugit eqqartuussisunut suliassangortitsineq imaluunniit suliap naammassinera.

Imm. 1, nr. 13-imu siunnersuutigineqarpoq ”akissuteqarneq” nassuiardeqassasoq tassaasoq ingerlatitseqqinneq pillugu taamatullu ingerlatitseqqinermi tunngavilersuutit pillugit pasinapiluttumik kalerriisumut nalunaaruteqarneq.

Imm. 1 nr. 14-imu siunnersuutigineqarpoq ”pisortat ingerlatsinerat” imatut nassuiardeqassasoq, Inatsisilerinermi immikkoortut pisortat ingerlatsineranni suliassat suliarineqartarnerat pillugu inatsimmi § 1, imm. 1-imu ilaasut tamarmik. Pisortat ingerlatsineranni suliassat suliarineqartarnerat pillugu § 1, imm. 1-imu allaqqavoq, inatsit pisortat ingerlatsineranni immikkoortunut tamanut atuuttoq. Inatsisilerinermi immikkoortut, pisortat ingerlatsineranni suliassat suliarineqartarnerat pillugu § 1, imm. 1-imu ilanngunneqartut, taamaalillutik inatsit manna malillugu pisortat ingerlatsineranni ilaatinneqarput. Inatsisartut sulisoqarfiillu tassunga atasut aamma pisortat ingerlatsineranni ilaatinneqarput. Naalagaaffiup Kalaallit Nunaanni oqartussatitai, eqqartuussiviit ilanngullugit, inatsimmi ilaatinneqanngillat, kisianni justitsministeriap Danmarkimi inatsit oqartussanut taakkununnga atuutilersissiinnaavaa.

Suliffeqarfitt nammineertitat pisortat ingerlatsinerannut aamma ilaapput, soorlu Nukissiorfiit, Mittarfeqarfitt aamma Asiaq.

Imm. 1, nr. 15-imi siunnersuutigineqarpoq “namminersortut ingerlatsinerat imatut nassuiardeqassasoq, Inatsisilerinermi immikkoortut pisortat ingerlatsineranni suliassat suliarineqartarnerat pillugu inatsimmi § 1, imm. 1-imi ilaangitsut aamma Inatsisartut ataanni sulisoqarfiinilu tassunga atasuni imaluunniit Danmarkip naalagaaffiata sulisoqarfiini, tassunga ilanngullugit eqqartuussivinnut, ilaangitsut tamarmik.

§ 4-mut

§ 4-mi siunnersuutigineqarpoq inatsit pasinapiluttumik kalerriisumut inunnalluunniit attuumassuteqartunut ajoqtaasumik isumaqatigiissutikkut saneqqunneqarsinnaanngitsoq. Inatsisisstatut siunnersummi § 4-tut aalajangersagassatut siunnersummi isumaqatigiisummut allammut attaveqartitsineq malittarisassiuunneqarpoq.

Aalajangersigaq kinguneqarpoq pasinapiluttumik kalerriisoq inuilluunniit attuumassuteqartut inatsit naapertorlugu pisussaaffigisaminnik pissutissaqanngitsumik taamaatitsisinnaanngitsut.

Assersuutigalugu atorfininnermi isumaqatigiisummi immikkut piumasaqaatit sulisup inatsit malillugu tamakkiisumik ilaannakortumilluunniit illersugaaneranik atorunnaarsitsisut atuuttussaanngillat. Aalajangersagaq akerlianik pasinapiluttumik kalerriisup inuilluunniit attuumassuteqartut inatsit naapertorlugu pisinnaatitaaffiinut taakkununnga akornutaanngippata, pasinapiluttumik kalerriisup inuilluunniit attuumassuteqartup inatsimmi malittarisassanit pitsaanerusunik isumaqatigiissuteqarnikkut pisinnaatitaaffilerneqarnissaannut akornutaanngilaq.

§ 5-imut

Inatsisartut inatsisaat pasinapiluttumik kalerriisumut kapitali 3 naapertorlugu suliffimmi pasinapiluttoqarneranik kalerriisoqarsinnaatitsinermut nalunaaruteqarnermut imm. 1, nr. 1-itut siunnersuutigineqartoq malillugu atuuppoq. Pasinapiluttumik kalerriisup kapitali 3 naapertorlugu suliffimmi pasinapiluttoqarneranik kalerriisoqarsinnaatitsinermut nalunaarutiginnittup taamaalilluni Inatsisartut inatsisaat malillugu illersugaanissamut piumasaqaatit eqqortippai

Inatsisartut inatsisaat pasinapiluttumik kalerriisumut kapitali 4 naapertorlugu avataani pasinapiluttoqarneranik kalerriisoqarsinnaatitsinermi nalunaaruteqartumut imm. 1, nr. 2-tut siunnersuutigineqartoq malillugu atuuppoq. Pasinapiluttumik kalerriisup kapitali 4 naapertorlugu suliffimmi pasinapiluttoqarneranik kalerriisoqarsinnaatitsinermi

nalunaarutiginnittup taamaalilluni Inatsisartut inatsisaat malillugu illersugaanissamut piumasaqaatit eqqortippai.

Inatsisartut inatsisaat pasinapiluttoqarneranik kalerriisoqarsinnaatitsinermi immikkoortoq suliamut attuumassuteqartoq piffissaliussap § 12, imm. 2 nr. 3-imma § 18, imm. 2, nr. 3-mi aalajangerneqartup iluani nalunaarummut qisuariaatitut naleqquttumik iliuuseqarsimatinnagu pasinapiluttumik kalerriisoq siullermik kapitalit 3 aamma 4 naapertorlugit suliffimmi avataanullu imaluunniit avataanut toqqaanartumik nalunaaruteqarnerani imm. 2, nr. 1-itut siunnersuutigineqartoq malillugu atuuppoq.

Pasinapiluttumik kalerriisoq piffissaliussap qaammatit pingasut iluanni imaluunniit piffissaliussap qaammatit arfinillit iluanni avataani pasinapiluttoqarneranik kalerriisoqarsinnaatitsineq eqqarsaatigalugu nalunaaruteqarpat immikkoortortaqarfip qanoq ingerlatitseqqiineranik pissusissamisoortumik tunngavilersukkamik ilisimatitsissummik tigusaqanngippat tamanut saqqummiineq taamaalilluni pissutissaqarpoq.

Pasinapiluttoqarneranik kalerriisoqarsinnaatitsinermi immikkoortortaqarfik nalunaarummik naleqquttumik misissuisimanngippat imaluunniit nalunaarutip kinguneranik iliuusissamik naleqquttumik aalajangiinngippat tamanut saqqummiussineq aamma pissutissaqarpoq

Suliffimmi avataanilu pasinapiluttoqarneranik kalerriisoqarsinnaatitsinermi nalunaaruteqartoqartillugu imm. 2, nr. 1 malillugu avammut saqqummiinermi illersorneqarnissamut pasinapiluttoqarneranik kalerriisoqarsinnaatitsinermi taakku marluk piffissaliussatut aalajangerneqartup iluani nalunaarummut qisuariaatitut naleqquttumik iliuusissatut aalajangiisimannginnissaat piumasaqaataavoq.

Nalunaaruteqarnerup kinguneranik naleqquttumik iliuuseqannginneq pineqarnersoq suliani ataasiakkaanni pissutsinik aalajangersimasumik naliliineq aallaavigalugu aalajangerneqassaaq. Naleqquttumik iliuuseqarneq § 12, imm. 2, nr. 2 aamma § 18, imm. 2, nr. 2 malillugit peqqissaartumik ingerlatitseqqinnissamut piumasaqaatit naapertorlugit paasineqassaaq. Taamaalilluni unioqqutitsinerup suunera annertussusaalu pillugit paasissutissat ilanngunneqassapput. Taamaalilluni ingerlatitseqqinnerup naleqquttuunerani pisuni ataasiakkaani pissutsit unioqqutitsinerullu pineqartup suunera apeqqutaassapput. Eqqartuussiviit tamanna pillugu inaarutaasumik aalajangiissapput. Aamma peqqissaartumik ingerlatitseqqinnerup paasineqarnissaanut § 12, nr. 2 aamma § 18, imm. 2 nr. 2-mut nassuaatit innersuussutigineqarput.

Unioqqutitsineq innuttaasut soqutigisaannut annertuumik ilimanartumillu navianartorsiortitsisoq pasinapiluttumik kalerriisoq ilimaginninnissamut tunngavissaqarpat

inatsit pasinapiluttumik kalerriisup tamanut saqqummiussinerani imm. 2, nr. 2-tut siunnersuutigineqartoq malillugu Inatsisartut inatsisaat atuuppoq. Assersuutigalugu ajornartoqarnera imaluunniit aaqqinnejarsinnaanngitsumik ajoquseeriataartoqarsinnaanera pineqartillugit.

Innuttaasut soqutigisaasa naviartorsiortinneqarsinnaanerannut assersuutigalugu ilaasinnaapput unioqqutitsineq inuit ataasiakkaat inuunerannik isumannaatsuunerannillu navianartorsiortitsisoq. Aamma tassaasinnaavoq inuit peqqissusiannik ajortumik sunniuteqariaannaasumik avatangiisinut ajoquseeriataannaaneq ajoqsiinerlu piffissami qaninnermi periaannaasoq. Tunngavik "aarlerinartumik navianartoqarnera" ajoquseeriataavissoqarsinnaaneranik kinguneqarpoq

Avataani pasinapiluttoqarneranik kalerriisoqarsinnaatitsinermut nalunaaruteqartoqarnermi pillaatitut akiniaasoqariaannaaneranik pasinapiluttumik kalerriisoq isumaqarnissamut tunngavissaqarpat imaluunniit suliami pissusiviit pissutigalugit unioqqutitsinerup sunniuteqartumik pinngitsoortinneqarnissaa ilimanarpianngippat inatsit imm. 2, 3-tut siunnersuutigineqartoq malillugu pasinapiluttumik kalerriisup tamanut saqqummiussinerani Inatsisartut inatsisaat atuuppoq.

Tamanut saqqummiineq nr. 3-tut siunnersuutigineqartoq malillugu unioqqutitsinerup suliami immikkut pissutsit pissutigalugit sunniuteqartumik pinngitsoortinnissaa ilimanaateqarpiannngippat tunngavissaqarsinnaavoq, tassunga ilanngullugit upternarsaatit isertuunneqarsinnaanerat aserorterneqarsinnaaneralluunniit, imaluunniit oqartussap inuullu unioqqutitsisup unioqqutitsinermilluunniit akuusup akornanni isertuusamik aaqqissuussisoqarsinnaaneq.

Inatsisikkut illersuineq imm. 2-tut siunnersuutigineqartoq malillugu paasissutissanik tamanut saqqummiinermi Inatsisartut inatsisaat atuuppoq, tassani pasinapiluttumik kalerriisup tamanut saqqummiisup nr 1-3-mi aalajangersakkani tunngavinnik eqqortitsisimanissaa piumasagaataalluni.

§ 6-imut

Aalajangersagassatut siunnersuutigineqartumi ersippoq Inatsisartut inatsisaatigut illersuineq taamaallaat pasinapiluttumik kalerriisartumut paasissutissat tamanulluunniit saqqummiussat piffissami nalunaaruteqarfiusumi tamanulluunniit saqqummiusiviusumi eqqortuunerannik paasissutissallu § 1, 1 naapertorlugu Inatsisartut inatsisaata atuuffiata ataaniittut ilimagisaqarnissamut tunngavissaqarpat atuuttoq.

Unioqqutitsinerit pillugit paasissutissat piffissami nalunaaruteqarfiusumi imaluunniit tamanut saqqummiussiffiusumi eqqortuunerannik ilimagisaqarnissamut tunngavissaqarnissaa Inatsisartut inatsisaatigut illersorneqarnissamut aalajangersagassatut siunnersuutigineqartoq malillugu piumasaqaataavoq. Taamaalilluni pasinapiluttumik kalerriisup paasissutissat eqqortuunerannik upperinninnissaa aamma piffissami nalunaaruteqarfiusumi upperinninnissaq illersorneqarnissamut piumasaqaataapput. Pasinapiluttumik kalerriisoq tamanut saqqummiussippat piffissami tamanut saqqummiiviusumi upperinnittoqassaaq.

Paasissutissat eqqortuunerannik upperinninneq pillugu apeqqut pissusiviit tunngavigalugit nalilersorneqassaaq, tassunga ilanngullugit paasissutissat pineqartup piffissami nalunaaruteqarfiusumi pigisai. Pasinapiluttumik kalerriisup upperinninneranut taamaalilluni suliami pissutsinik tamarmiusunik nalilersuivinneq apeqquaassaaq.

Inuk upperinnittooq unioqqutitsinerit pillugit paasissutissanik eqqunngitsunik nalunaaruteqartoq tamanulluunniit saqqummiisoq Inatsisartut inatsisaatigut illersuinermut ilaatinneqartoq. Pasinapiluttumik kalerriisup nalunaaruteqarnermut tamanulluunniit saqqummiinermut pissutigisai inuup illersorneqarsinnaaneranut aallaaviusumik soqutaanngillat.

Inuitpaasissutissanik eqqunngitsunik nalunaaruteqartut tamanulluunniit saqqummiussisut illersorneqarsinnaanngillat.

Illersorneqarnissamut piumasaqaataavoq, unioqqutitsinermut uppernarsaatit unioqqutitsinerit pillugit paasissutissanut ilangunneqassasut. Paasissutissat unioqqutitsisoqavittoqarneranik unioqqutitsisoqarsimasinnaaneranillu tunngavissaqartumik nalornilersitsisut pasitsaassaqartitsisullu taamaalillutik Inatsisartut inatsisaatigut illersuinermut aamma ilaapput.

Kisianni unioqqutitsinerit pillugit paasissutissat tamanit ilisimaneqareersut tunngaveqarsorinanngitsut, tassunga ilanngullugu pissutissaqanngitsumik tusatsiakkat mamarliillunilu oqaatissuaanerit inatsimmi illersuinermut ilaanngillat.

§ 7-imut

Pasinapiluttumik kalerriisoq aalajangersakkami imm. 1-itut siunnersuutigineqartoq malillugu §§ 5 aamma 6-imi illersorneqarnissamut piumasaqaatinik naammassinnittooq nipangiussimasussaaitaanermik inatsimmi aalajangerneqartumik sumiginnaasimanngitsutut

isigineqassaaq, inullu § 1, imm. 1-imi pissutsinik pisariaqartumik paasitsinissamut paasissutissanik pineqartunik nalunaaruteqarnissamut imaluunniit tamanut saqqummiinissamut pissutissaqarsimoriguni tamassumunnga akisussaatineqassanani.

Piumasaqaatit taakku naammassineqarpata pasinapiluttumik kalerriisoq akisussaatineqassanngilaq, inuit akornanni akerleriinnernut inatsisitigut malittarisassani, pinerluuteqarneq pillugu inatsisitigut malittarisassani, allaffissornikkut imaluunniit atorfeqarneq pillugu inatsisini malittarisassani oqaatigineqartutut, tassani pasinapiluttumik kalerriisoq unioqqutitsinerup saqqummiunnissaanut paasissutissanik nalunaaruteqarnerup tamanulluunniit saqqummiussinerup pisariaqartuuneranik tunngavissaqartumik isumaqarsimanissa piumasaqaataavoq.

Akisussasussaanngitsutut siunnersuutigineqartumi taamaalilluni ilaangillat paasissutissat pasinapiluttumik kalerriisup tunngavissaqarani saqqummiussai. Taamaalilluni paasissutissat siunnersummi § 1, imm. 1-imut ilaasunik unioqqutitsinermik saqqummiinissamut pisariaqanngitsunik nipangiussimasussaatitaanermik unioqqutitsineq imaluunniit pasinapiluttumik kalerriisup tunngavissaqartumik ilimagisimasinnaanngisai suli akisussaanermut ilaassapput.

Imm. 2-mi siunnersuutigineqarpoq pasinapiluttumik kalerriisoq §§ 5 aamma 6-imi illersorneqarnissamut piumasaqaatinik eqqortitsisoq, pissarsineq taamaattoq immikkut pinerluutaasinnaasumik iliuusaanngippat paasissutissanik nalunaarutigineqartunik imaluunniit tamanut saqqummiunneqartunik pissarsisimanerminut akisussatinneqassanngilaq.

Tamanna atuuppoq pasinapiluttumik kalerriisup uppermarsaatit imarisaanik unioqqutitsinani pissarsiarisimasumik saqqummiitillugu aamma uppermarsaatinik taamaattunik kopeerisimatillugu imaluunniit suliffimmi atorfeqarfisamini isumaqatigiissutit pillugit aalajangersakkat imaluunniit aalajangersakkat allat suliffiup uppermarsaatinik pineqartunik pigisaqartuuneranik aalajangersaffiusut allat unioqqutillugit ininit annisisimatillugu.

Assersuutigalugu tassaasinnaavoq pasinapiluttumik kalerriisup suliffimmi ininik assiliilluni imaluunniit sumiiffimmut pineqartup nalinginnaasumik iserfigisinnaanngisaminut iserluni paasissutissanik pissarsinera.

Pasinapiluttumik kalerriisorli assersuutigalugu ilaatigut qarasaasiap programmianut iserneq imaluunniit allat oqaloqatiginnerannik akuerisaanngitsumik tusarnaarneq immiussinerluunniit pillugit Kalaallit Nunaannut pinerluttulerineq pillugu inatsimmi § 94-imik unioqqutitsinikkut immikkut pineqaatissiissutaasinnaanik iliuuseqarnikkut pissarsisimatillugu

akisussaatineqarsinnaassaaq. Taamaattut nunatsinni eqqartuussisarnermi pinerluuteqarnermi akisussaatitaanermi suli atuupput.

Aamma paasissutissat pineqartut pineqartup pissarsiarisai nalunaaruteqarnermut pineqartumut pisariaqanngippata imm. 2-tut siunnersuutigineqartoq malillugu akisussaatisisoqarsinnaavoq.

§ 8-mut

Pasinapiluttumik kalerriisartoq imm. 1-itut siunnersuutigineqartoq malillugu pillammik akiniarneqassanngilaq, tassunga ilanngullugu pineqartoq Inatsisartut inatsisaanni tamanna pillugu aalajangersakkat naapertorlugit suliffimmi avammulluunniit nalunaaruteqarnerata tamanullu saqqummiinerata kinguneranik sioorasaarineq pillaatitulluunniit akiniaaneq. Pasinapiluttumik kalerriisartoq aamma nalunaaruteqarnissamut akornuserneqassanngilaq akornusersniarneqassanani luunniit.

Pillaammik akiniaaneq imatut § 3, imm. 1, nr. 11-miallassimaneratut paasineqassaaq..

Taaguummi ilaatigut assersuutigalugu pineqarsinnaapput suliunnaarsitaagallarneq, soraarsitsineq, atorfimmut appasinnerusumut inissinneqarneq atorfimmilluunniit qaffatsinneqannginneq, allanik suliakkiineq, nuussineq, akissarsianik appaaneq, piffissanik suliffigisanik allannguinerit, ilinniagaqaqqusaannginneq, pineqartup angusaanik ajortumik naliliineq imaluunniit atorfeqarnermi ajortumik allagartaliineq, pissusilersuutissanik saneqqutsisutut pillaaneq, avoqqaarlerneq allatulluunniit pineqaatissiineq, tassunga ilanngullugit aningaasatigut pillaanerit, pinngitsaaliiineq, qunusiarinninneq, akornusersuineq avataaniititsinerluunniit, assigiinngisitsineq, ajortumik naapertuutinngitsumilluunniit iliuuseqarneq, atorfininnermi isumaqatigiissutip piffissamut killilikkap killigaaneranik piffissamut killiligaanngitsumut sivitsuinera, sulisoq tassani ataavartumik atorfinitssinneqarnissamik ilimagisaqarluni, ajoqusiineq, tassunga ilanngullugu inuup tusaamaneqarnera pingaartumik internetimi attaveqartarfinni imaluunniit aningaasatigut annaasaqarneq, tassunga ilanngullugit kaaviiartitanik annaasaqarneq isertitassanillu annaasaqarneq, immikkoortumik imaluunniit inuussutissarsiutit immikkoortuannik tunngaveqartoq imaluunniit isumaqatigiissut piumasarineqanngitsoq piumasarineqanngitsorluunniit tunngavigalugu akuerinninnginnermik nalunaarsuineq, tamannalu inuup pineqartup immikkoortumi imaluunniit inuussutissarsiutit immikkoortuanni pineqartumi siunissami suliffissarsisinnaannginneranut kinguneqarluni, nioqqutissanik pilersuinermik sullissinermilluunniit piffissaq sioqqullugu atorunnaarsitsineq atorunnaarsitsinerluunniit, akuersisummik utertitsineq, nakorsamut tarnip pissusaanik immikkut ilisimasalimmut nakorsamulluunniit innersuussineq.

Tamanna kinguneqarpoq iliuutsit iliuuseqannginnerilluunniit qulaani taaneqartut tamarmiungitsut Inatsisartut inatsisaat tunngavigalugu pillaammik akiniutaasut. Taamaalilluni piumasaqaataavoq iliuuseqarneq iliuuseqannginnerluunniit pasinapiluttumik kalerriisartup ajoquserneqarneranut pissutaasoq pissutaajumaartorluunniit. Aamma piumasaqaataavoq iliuuseqarneq iliuuseqannginnerluunniit suliffimmi tamanulluunniit saqqummiussinerup kingunerisimassagaa.

Pillaammik akiniaamerit sulisumut assersuutigalugu tassaasinnaapput mianersoqqusinikkut, atorfimmut appasinnerusumut inissinneqarnikkut, akissarsiat qaffakkumaneqannginnerisigut, akornusersuinikkut soraarsitaanikkulluunniit atorfeqarnermi kinguneqartitsinerit.

Namminersorlutik inuussutissarsiuteqartunut sullisisunut, namminersortunut isumaqatigiissuteqartunut, suliaqartunut pilersuisunut pilersuisunullu pillaammik akiniutit assersuutigalugu tassaagajuttarput sullissineq pillugu isumaqatigiissummik, akuersisummik unitsitsigallarneq atorunnaarsitsinerluunniit, kaaviaartitanik annaasaqarneq, isertitanik annaasaqarneq, pinngitsaalineqarneq, qunusiarineqarneq imaluunniit akornusersorneqarneq, akuerineqanngitsutut nalunaarsorneqarneq imaluunniit suliffeqarfimmik mattussineq tusaamaneqarnerulluunniit ajoquserneqarnera.

Aktialinnut inunnulu aqutsisuusunut pillaammik akiniutit assersuutigalugu tassaasinnaapput aningaasanut tunngasut, qunusiarineqarneq akornusersorneqarnerluunniit, akuerineqanngitsutut nalunaarsorneqarneq tusaamaneqarnerulluunniit ajoquserneqarnera.

Suliffimmi sulilersinnaasunut atorfininniarnermut atatillugu paasissutissanik pissarsisunut pillaammik akiniutit assersuutigalugu tassaasinnaapput atorfeqarnermi ajortumik allagartalerneqarneq imaluunniit akuerineqanngitsutut nalunaarsorneqarneq.

Piumassutsimik sulisunut aamma akissarsiaqarlutik akissarsiaqaratilluunniit sulinermik misiliisunut pillaammik akiniutit assersuutigalugu tassaasinnaapput sullissinerat atorneqarunnaartoq, atorfeqarnermi ajortumik allagartalerneqartut imaluunniit tusaamaneqarnerat suliffimilu qaffakkiartornissamut periarfissaat allatigut ajoquserneqartut.

Inuit immikkoortuinut tamanut pillaammik akiniutit aamma tassaasinnaapput akornusersuilluni eqqartuussivinnut suliassangortitsineq, tassa pineqartup inatsit manna malillugu nalunaaruteqarnerata tamanulluunniit saqqummiunnerata kinguneranik pissutissaqanngitsumik eqqartuussivinni suliassangortinneqarnera.

Nalunaaruteqarneq aamma pasinapiluttumik kalerriisartumut toqqaannartumik toqqaannangitsumillu iluaqtissaanngitsumik iliuuseqarneq inatsisartut inatsisaat malillugu pillammik akiniutitut isigineqassappat imminnut qanimut atassuteqartariaqarput. Taamaalilluni suut pillammik akiniutaanerannik siamasissumik nassuaaneq sulisitsisup nalunaaruteqarnerup tamanulluunniit saqqummiinerup kingunerinngisaanik atorfeqarnermut tunngasunik aalajangiinissaq pineqartoq taamatut iliorsimanersoq apeqqutaatinngagu pinngitsoortinnejartariaqanngilaq.

Pasinapiluttumik kalerriisartoq inerteqquteqarnerup unioqqutinnejarnerani taarsiivigineqarsinnaavoq, tak. siunnersummi § 28, imm. 1, tassungalu nassuaatit.

Pasinapiluttumik kalerriisartoq aalajangersakkami oqaaseqatigiit aappaat malillugu aamma nalunaaruteqarnissamik akornuserneqassanngilaq akornuserniarneqassananiuunniit. Aalajangersakkamut ilaatigut ilaavoq pasinapiluttumik kalerriisartuulersinnaasup inatsit manna malillugu unioqqutitsineq pillugu paassisutissanik nalunaaruteqarusulluni suleqatiminut qullersaminulluunniit oqaluttuarnera, assersuutigalugu inatsit manna malillugu nalunaaruteqarnissamut periarfissanik paasiniaalluni, tamassumalu kingorna pineqartoq nalunaaruteqannginnerani soraarsinneqarluni il.il., tassani uppernarsarneqarsinnaalluni soraarsitsineq tamakkiisumik ilaannakortumilluunniit iliuuseqarnermik pissuteqartoq. Pasinapiluttumik kalerriisartoq inerteqquteqarnermik unioqqutitsisoqarnerani taarsiivigineqarsinnaavoq, tak. siunnersummi § 28, imm. 1, tassungalu nassuaatit.

Imm. 1, nr 1-imi siunnersuutigineqarpoq pillammik akiniarneqarnissamut illersuineq imm. 1 malillugu akunnermiliuttunut atuuppoq.

Imm. 2, nr. 2-mi siunnersuutigineqarpoq imm. 1 malillugu pillammik akiniarneqarnissamut illersuineq aamma inuit pingajuinut pasinapiluttumik kalerriisartumut attuumassuteqartunut sulinermullu atatillugu pillammik akiniarneqariaannaasamut aamma atutissasoq.

Pillaammik akiniarneqarnissamut illersuineq taamaalilluni taamaallaat pasinapiluttumik kalerriisartumut atuutinngilaq, aammali inunnut pasinapiluttumik kalerriisartumut attuumassuteqartunut. Assersuutigalugu tassaasinnaapput sulisut peqatigiiffiini sinniisut, suleqatit ilaquattat nalunaaruteqarnermut atatillugu pasinapiluttumik kalerriisartumut ikiuisunut, pasinapiluttumik kalerriisartoq sulisitsisuanut imaluunniit pisisartumut sullinneqartumulluunniit sulinermi aamma atassuteqartunut.

Imm. 2, nr. 3-mi siunnersuutigineqarpoq imm. 1 malillugu pillammik akiniarneqarnissamut illersuinermi imaluunniit ilaatinneqartut suliffeqarfiiit oqartussallu pasinapiluttumik

kalerriisup pigisaanut sulissussaanut allatulluunniit sulinermut atatillugu atassuteqarfigisaanut.

Imm. 3-mi siunnersuutigineqarpoq pasinapiluttumik kalerriisartoq nalunaaruteqarneq tamanulluunniit saqqummiineq § 1, imm. 1 naapertorlugu unioqqutitsinerup saqqummiunnissaanut pisariaqartuusoq isumaqarnissamut naleqquttumik pissutissaqarpat eqqartuussisunut suliassanngortitsineq itigartinniarlugu nalunaaruteqarneq imaluunniit tamanut saqqummiineq patsisissaqartoq nalunaaruteqarsinnaatitaasoq.

Aalajangersagaq illuatungerisaq pasinapiluttumik kalerriisartumik eqqartuussivimmut suliassanngortitsippat pasinapiluttumik kalerriisartumik illersuinissamik kinguneqarpoq. Pasinapiluttumik kalerriisartoq taamatut pisoqartillugu § 5-itut siunnersuutigineqartumut ilaasumik nalunaaruteqarneq imaluunniit tamanut saqqummiineq pineqartoq innersuussutigalugu eqqartuussivinnut suliassanngortitsinermik itigartitsisinnaatitaavoq.

Eqqartuussivinni sorianut taamaattunut assersuutitut ilaatigut uku pineqarnerat taaneqarsinnaapput, eqqunngitsumik pasilliinerit, piginnittussaatitaaneq, nipangiussimasussaatitaanermik sumiginnaaneq, paasissutissanik illersuineq pillugu inatsimmi malittarisassanik unioqqutitsineq, niuernermi isertuussanik ingerlatitseqqinneaq imaluunniit inuit akornanni pissutsit, pisortat ataatsimoorullugu sulinermi pissutsit pillugit inatsisinit taperserneqartunik unioqqutitsineq.

Kisianni eqqartuussivinni suliassanngortinnejarnermik itigartitsisinnaatitaanermut piumasaqaataavoq, nalunaaruteqarneq imaluunniit tamanut saqqummiussineq, unioqqutitsinerup § 1, imm. 1 naapertorlugu Inatsisartut inatsisaata imarisataatuuffianut ilaasup paasitinneqarnissaanut pisariaqartuuneranik pasinapiluttumik kalerriisup tunngavissaqartumik isumaqarnissaa Taamaalluni piumasaqaataavoq pasinapiluttumik kalerriisartup piffissami nalunaaruteqarfiusumi imaluunniit tamanut saqqummiiviusumi unioqqutitsinerup Inatsisartut inatsisaata imarisatigut atuuffianut ilaasup saqqummiunnissaanik tunngavissaqartumik isumaqarnissaa. Taamaattoq pasinapiluttumik kalerriisartoq tamanna pillugu tunngavissaqartutut isumaqarsimanersoq suliami pissutsinik tamanik nalilersuivinneaq apeqqutaavoq.

§ 9-mut

Namminersorluni inuussutissarsiuteqartuni suliffiit sulisitsisup sulisuisa paasissutissanik § 1, imm. 1-imi ilaasunik nalunaaruteqarfigisinnaasaannik pasinapiluttoqarneranik

kalerriisoqarsinnaatitsinermi imm. 1-itut siunnersuutigineqartoq malillugu pilersitsisinnaapput.

Namminersorlutik inuussutissarsiut tassaapput inatsisit naapertorlugit immikkoortut allat, pisortat ingerlatsineranni suliassat suliarineqartarnerat pillugu Inatsisartut inatsisaanni § 1, imm. 1-imi ilaanngitsut, aamma Inatsisartut aamma Danmarkip naalagaaffiata Kalaallit Nunaanni suliassaqarfia ataaniinngitsut, ilaatigut eqqartuussiviit.

Siunnersuutigineqarpoq taaguut ”sulisitsisoq” (inatsisit naapertorlugit immikkoortoq) CVR pillugu inatsimmi taaguutip ”inatsisit naapertorlugit immikkoortoq” nassuarneqarnera naapertorlugu siunnersummi matumani paasineqassasoq. Assigiitsitsinissatut siunnersuutigineqartoq taamaalilluni kinguneqarpoq sulisitsisut tamarmik CVR-normoqartut amerlaqatigiinnik amerlanerusunilluunniit sulisoqartut, Naalakkersuisunit aalajangerneqartutut suliffimmi pasinapiluttoqarneranik kalerriisoqarsinnaatitsinermut periarfissami ilaatinneqassasut.

Oqaatigineqassaaq aalajangersagassatut siunnersummi taamaallaat sulisitsisut suliffimmi pasinapiluttoqarneranik kalerriisoqarsinnaatitsinermut sulisitsisut sulisuminnut atugassiinissaannut periarfissiisoqartoq. Tamassumali sulisitsisup pasinapiluttoqarneranik kalerriisoqarsinnaatitsineq sulisumi saniatigut allanit, tassunga ilanngullugit sulisut immikkoortuinit allanit, atorneqalersinnaaneranik aalajangernissaa pinngitsoortissinnaanngilaa. Pingaartumik tassaasinnaapput pilersuisut suliaqarnermilu pilersuisut, piumassutsiminnik sulisut, akissarsiaqarlutik akissarsiaqarnatilluunniit sulinermik misiliisut, inuit sulisitsisumi siusinnerusukkut sulisimasut paassisutissanillu pineqartup sulisitsisumi sulinermini pissarsiaminik aamma sulinerup aallartinnginnerani pineqartup sulilernissamut atatillugu, pissarsiarisaminik imaluunniit isumaqatigiissutissat allat isumaqatigiinniutiginissaat sioqqullugu pissarsiarsiaminik nalunaaruteqartut.

Sulisitsisut imm. 2-tut siunnersuutigineqartoq malillugu suliffimmi pasinapiluttoqarneranik kalerriisoqarsinnaatitsinermik pilersitsisut suliffimmi pasinapiluttoqarneranik kalerriisoqarsinnaatitsinermut suliffeqarfissuarmi ataatsimut suliffimmi pasinapiluttoqarneranik kalerriisoqarsinnaatitsinermut pilersinnissaat toqqarsinnaavaat. Naalakkersuisut suliffeqarfissuarni suliffimmi pasinapiluttoqarneranik kalerriisoqarsinnaatitsinnginneq pillugu malittarisassiorsinnaapput.

§ 3-mi siunnersuutigineqarpoq, Namminersorluni inuussutissarsiuteqarnermi sulisitsisut suliffigisami pasinapiluttunik kalerriisoqarsinnaatitaanermi nslunaarutit tiguneqartut misissuisinaanerillu eqqarsaatigalugit isumalluutit avitseqatigiissutigisinnagaat.

Aalajangersagassatut siunnersuutigineqartoq sulisitsisut suliassani suni isumalluutinik avitseqatigiissuteqarsinnaanerannik tamakkiisumik allaaserinnermik imaqarpoq. Aalajangersakkap kinguneraa, suliffeqarfitt namminersortut pasinapiluttunik kalerriisoqarsinnaatitaanermut ataatsimut immikkoortoraqarfimmik pilersitsisinnaasut. Taamaalilluni pasinapiluttunik kalerriisunut nalunaaruteqarfigisinnaasami ataatsimut nittartakkamik pilersitsisoqarsinnaavoq, suliffeqarfiillu sulisut nalunaarutinik misissuisussat ataatsimoorussinnaavaat.

§ 10-mut

Imm. 1 oqaaseqatigiit siullianni siunnersuutigineqarpoq pasinapiluttoqarneranik kalerriisoqarsinnaatisineq allaganngorlugu oqaasiinnartigulluunniit taakkuluunniit marluk atorlugit nalunaaruteqarsinnaatisisoqassaaq. Aalajangersagaq malillugu nalunaaruteqartarfimmik sumik pilersitsisoqassanersoq sulisitsisut ataasikkaat aalajangissavaat. Pasinapiluttoqarneranik kalerriisoqarsinnaatisineq allaganngorlugu oqaasiinnartigullu nalunaaruteqartoqarsinnaanissa piumasaqaataanngilaq.

Nalunaaruteqartarfik assersuutigalugu allakkatigut, maalaaruteqarnermut nakkartitsiveqarnikkut imaluunniit internetimi nalunaaruteqarfeqarnikkut intranetsiuppat internetsiuppalluunniit pilersinneqarsinnaavoq. Oqaasiinnartigut nalunaaruteqarsinnaanermik periarfissiisoqarpat oqarasuaatikkut oqaasiinnartigulluunniit nalunaaruteqarnikkut allakkut nalunaaruteqarsinnaatisisoqassaaq.

Imm. 2-mut oqaaseqatigiit aappaanni siunnersuutigineqarpoq, oqaasiinnartigut nalunaaruteqartoqarsinnaappat, nalunaarutiginninneq pasinapiluttumik kalerriisup qinnuviginninneratigut piffissaliussap naleqquttup iluani naapilluni ataatsimiinnikkut pisinnaassasoq. Naapilluni ataatsimiinnissamik piumasaqaat sulisitsisoq aatsaat oqaasiinnartigut nalunaaruteqarsinnaanermut atortorissaarusiippat.

Nalunaarutip suuneranik naliliineq aallaavigalugu naleqquttumik piffissaliussaqluni naapilluni ataatsimiinnissamik neqerooruteqartoqassaaq, tassunga ilanngullugu iluarsineqarsinnaanngitsumik ajoquseeriataqarsinnaaneranik isumaqarnissamut tunngavissaqarnersoq.

§ 11-mut

Imm. 1-imi siunnersuutigineqarpoq sulisitsisoq § 9- naapertorlugu suliffigisami pasinaliluttunik kalerriisinnaaitaanermik pilersitsinissamik toqqaasoq inummik

immikkoortortaqarfimmilluunniit nalunaarutinik tigusisartussamik pasinapiluttumik kalerriisumullu attaveqartussamik, nalunaarutinik ingerlateeqqiisartussamik, tak. § 12, imm. 2, nr. 2 pasinapiluttumik kalerriisumullu akissuteqartussamik, tak. § 12, imm. 2, nr. 3, toqqaassasoq.

Sulisitsisut inummik immikkoortortaqarfimmilluunniit suliassanik imm. 1-imi taaneqartunik suliaqartussamik taamaalillunilu pasinapiluttumik kalerriisutut atuuttussamik namminneq toqqaassapput. Suliassaqarfik assersuutigalugu sulisumut najoqquattessianik eqqortitsisussamut HR-imilu sulisumut, inatsisilerinermi sulisumut, kukkunersiuismut aqutsisumut ataatsimut arlalinnulluunniit imaluunniit siulersuisuni ilaasortamut inissinneqarsinnaavoq.

Sulisitsisoq suliffimmi pasinapiluttoqarneranik kalerriisoqarsinnaatitsineq suliassanik suliaqarnermut il.il. suliffimmi najoqquattasanik aalajangersaasinnaavoq, tassunga ilanngullugu § 12, imm. 2-tut siunnersuutigineqartoq naapertorlugu suleriaasissanik naleqquttunik aalajangersaanikkut. Aaqqissuuussaanermi aningaasaqarnermiluunniit sumulluunniit attuumassuteqanngitsumik suliffimmi aqutsisuneertoqarnissaanik qulakkeerinninnissaa Inatsisartut inatsisaat malillugu piumasaqaataanngilaq.

Oqaatigineqassaaq sulisumik tunngavissaqanngitsumik soraarsitsinissaq imaluunniit atorfeqarnermi inatsisit naapertorlugit suliassanik ingerlatsisoqarneranut pissutissaqanngitsumik kinguneqartitsinissaq Kalaallit Nunaanni atorfeqarneq pillugu inatsisini aallaaviusoq. Sulisoq toqbarneqartoq taamaalilluni pissutissaqanngitsumik soraarsinnejarnissamut imaluunniit atorfeqarnermi pissutissaqanngitsumik kinguneqartitsisoqarnissaanut inatsisit atuuttut malillugit illersugaavoq. Tamassuma peqatigitillugu kinguneraa, sulisup suliassani eqqortumik sularinngippagut sulisumut toqbarneqartumut pissutsit malillugit kinguneqartitsisoqarsinnaasoq. Tamanna assersuutigalugu pissaaq sulisup toqbarneqartup suliffimmi pasinapiluttoqarneranik kalerriisoqarsinnaatitsineq suliffimmi najoqquattasiat suleriaatsillu malinngippagut imaluunniit sulisup atorfeqarnermut piumasaqaatit allatigut eqqortinngippagut.

Imm. 2-mi siunnersuutigineqarpoq manna inatsit naapertorlugu sulisitsisup § 9-mi ilaatinneqartup sumulluunniit attuumassuteqannginnissamut, paasissutissanik illersuinermut nipangiussimasussaatitaanermullu Inatsisartut inatsisaanni piumasaqaatit eqqortitsitillugu suliffimmi pasinapiluttoqarneranik kalerriisoqarsinnaatitsinermut ingerlatseqatigiiffimmi suliffeqarfissuarmut atasumi ataatsimut ingerlatsisinnaasoq.

§ 12-mut

Imm. 1-imi siunnersuutigineqarpoq suliffimmi pasinapiluttoqarneranik kalerriisoqarsinnaatitsineq imatut ilusilersorneqassaaq, pilersinneqassasoq ingerlanneqassasorlu pasinapiluttumik kalerriisup, inuup attuumassuteqartup suleqatillu pingajui tamarmik nalunaarummi taaneqartut kinaanerisa isertuunnissaa qulakkeerneqarluni, sulisullu akuerisaanngitsut taakkuninnga pissarsisinnaajunnaarsinneqarlutik.

Nalunaarutinik tigusicarnermut, nalunaarsuisarnermut toqqorsivimmiiitsinermullu aalajangersimasumik teknikkikkut aaqqiissuteqarnissaq piumasaqaataanngilaq, aaqqissuussinerli imatut ilusilersorneqassaaq sulisut akuerisaanngitsut nalunaarutinik pissarsisinnaannginnissaat qulakkeerneqarluni. Tamanna assersuutigalugu kinguneqarpoq nalunaarutit drevimi allagaateqarfimmiluunniit sulisunit allanit, susassaqanngitsunilluunniit allanit, nalinginnaasumik takuneqarsinnaasumi toqqarneqassanngitsut.

Nalunaarutit digitaalinngorlugu suliassanik suliaqartarfimmi nalunaarsorneqarpata toqqorneqarpatalu, nalunaarutinik nalunaarsorneqartunik pissarsisinnaaneq isissutissat atorlugit killilerneqarsinnaassaaq, taamaalilluni inuit akuerisaasut kisimik taakkuninnga takunnissinnaalersinneqarlutik. Allatut periusaasinnaasoq tassaavoq immikkut nalunaarsuiffimmi nalunaarsuineq.

Aalajangersagaq inatsisisstatut Inatsisartut inatsisaanni § 24, imm. 1-imut atatillugu isigineqassaaq, tassani aalajangerneqarpoq sulisut akuerisaasut ilaatigut pasinapiluttumik kalerriisup kinaernerpa pasinapiluttoqarneranik kalerriisoqarsinnaatitsinermut nalunaarutigineqartoq pillugu nipangiussisimasussaatitaasut.

Imm. 2, nr. 1-imi siunnersuutigineqarpoq sulisitsisoq pasinapiluttoqarneranik kalerriisoqarsinnaatitsinermi suleriaatsimik naleqquttumik atuutilersitsissasoq, tassani nalunaarutip tiguneqarnera tigusinerup kingorna ullut arfineq marluk iluanni uppernarsarneqarnissaq qulakkeerneqassalluni.

Taamatut uppernarsaanerup ilusissaanik piumasaqaateqanngilaq.

Uppernarsaanissamik piumasaqaat kinaaneq isertuullugu nalunaaruteqartoqarnerani pasinapiluttoqarneranillu kalerriisoqarsinnaatitsinerup ilusilersorneqarnerata kinguneranik taamatut uppernarsaasoqarsinnaannginnerani atuutinngilaq. Tassungali atatillugu oqaatigineqassaaq kinaaneq isertuullugu nalunaarutit suliffimmi pasinapiluttoqarneranik kalerriisoqarsinnaatitsinermi tiguneqartut suliarineqarnissaannik Inatsisartut inatsisaat malillugu pisussaaffeqartoqanngitsoq.

Imm. 2, nr. 2-mi siunnersuutigineqarpoq, sulisitsisoq nalunaarutinik peqqissaartumik nangitseqqinnissamik qulakkeerinniffiusunik suleriaatsinik naleqquttunik atuutilersitsissasoq

Saaffiginnissutit ataasiakkaat qanoq suliarineqassanersut ilaatigut nalunaarutip imarisaanik qanorlu ittuuneranik naliliineq apeqqutaavoq.

Nalunaarut atuuffiata iluaniippat, suliffimmi paasissutissat ilanngullugit immaqalu pasinapiluttumik kalerriisartoq oqaloqatigeqqillugu allanillu aalajangersimasunik naleqquttunik iliuuseqarluni pisumik misissuineq aallartinneqassaaq.

Pinerluttulerinermik inatsimmik inatsisinillu allanik unioqqutitsisoqarneranik ilimagisaqarneq pineqarpat, nangitseqqinnerit naleqquttut tassaasinnaapput politiinut unnerluussineq nakkutilliinermiluunniit oqartussanut suliamut attuumassuteqartunut nalunaaruteqarneq.

Suliami suliffimmi sulisumit annertuumik kukkuneq aamma/imaluunniit sumiginnaanerit pineqarpata, nangitseqqinnejq naleqquttoq tassaasinnaavoq atorfekarnermi kinguneqartitsisinnaaneq, tassunga ilanngullugit assersuutigalugu mianersoqqusiineq soraarsitsinissarluunnit, siunertaralugit suliffimmi misissuinerneq aallartitsineq

Suliami suleqatigisap annertuumik kukkunera aamma/imaluunniit sumiginnaanera pineqarpat, nangitseqqinnejq naleqquttoq tassaasinnaavoq isumaqatigiissuteqarnermi suleqatigisamut kinguneqartitsinissaq assersuutigalugu isumaqatigiissummik atorunnaarsitsinissaq siunertaralugit misissuinerneq aallartitsineq.

Pasinapiluttoqarneranik kalerriisoqarsinnaatitsinermi immikkoortortaqarfiup nalunaarutinik tiguneqartunik nangitseqqinnejq kisimi Inatsisartut inatsisaat malillugu piumasaqaataavoq. Pasinapiluttoqarneranik kalerriisoqarsinnaatitsinermi immikkoortortaqarfik tamassuma saniatigut assersuutigalugu atorfekarnermi isumaqatigiissuteqarnermilu kinguneqartitsinissamik aallartitsinissamik aalajangiisinjaatitaassanersoq sulisitsisut ataasiakkaat aalajangissavat.

Imm. 2, nr. 3-mi siunnersuutigineqarpoq sulisitsisoq pasinapiluttumik kalerriisup sukkanerpaamik kingusinnerpaamillu nr.1 naapertorlugu uppernarsaammik tigusineraat qaammatinit pingasunit kingusinnerunngitsumik akissummik tigusinissaata qulakkeerneqarnissaanut suleriaatsimik naleqquttumik atuutilersitsissasoq.

Tamanna kinguneqarpoq pasinapiluttoqarneranik kalerriisoqarsinnaatitsinermi immikkoortortaqarfiup akissuteqarnermut atatillugu nipangiussimasussaatitaanerit inatsisikkut

aalajangerneqartut eqqortissagai, tassunga ilanngullugu pisortani oqartussat eqqarsaatigalugit inuit ataasikkaat, tassunga ilanngullugu aningaasaqarnermi atugaat pillugit pisortat ingerlatsineranni suliassat suliarineqartarnerat pillugu inatsimmi § 27, imm. 1, nr. 1. Tamassuma kinguneraa pasinapiluttoqarneranik kalerriisoqarsinnaatitsinermut immikkoortortaqarfik nalunaarutip kinguneranik qanoq nangitseqqittooqarsimaneranik, tassunga ilanngullugu politiinut unnerluussineq, suliffimmi misissuinerlik aallartitsineq imaluunniit nakkutilliinermi oqartussanut suliamat attuumassuteqartunut nalunaaruteqarneq, pasinapiluttoqarneranik kalerriisoqarsinnaatitsinermut immikkoortortaqarfik nalunaaruteqartussaatitaanermik eqqortitsissasoq.

Pasinapiluttoqarneranik kalerriisoqarsinnaatitsinermut immikkoortortaqarfik upernarsaatip tiguneronit qaammatit pingasut iluanni naleqquttumik nangitseqqinnissamik aalajangiisimanngippat, pasinapiluttumik kalerriisartoq tamanna pillugu, nalunaaruteqaqqinnissarlu qaqugukkut ilimagineqarsinnaanersoq, nalunaarfigineqassaaq.

Imm. 3-mi siunnersuutigineqarpoq, suliffigisami pasinapiluttunik kalerriisinnaatitaanermi kinaaneq isortuullugu nalunaarutit suliarineqarnissaannik pisinnaatitaaffeqassanngitsoq. Aalajangersakkap tigusinermik upernarsaanissaq pillugu § 12, imm. 12, nr 1-impi pisussaaffeqarnerup kinguneraa.

§ 13-imut

Imm. 1, nr. 1-impi siunnersuutigineqarpoq sulisitsisoq § 9 naapertorlugu suliffigisami pasinapiluttunik kalerriisinnaa ilaatinneqartoq suliffimmi pasinapiluttoqarneranik kalerriisoqarsinnaatitsinermut nalunaaruteqarnermi suleriaatsit pillugit ersarissumik paasiuminartumillu paasissutissiissasoq, tassunga ilanngullugu unioqqutitsineq sunniuteqartumik iliuuseqarfingineqarsinnaappat pasinapiluttumillu kalerriisumut pillaammik akinuteqartoqariannaasoqannginneranik naliliisoqarpat, suliffimmi namminermi nalunaaruteqarnissamik kaammattuineq.

Paasissutissani taamaattuni ilaapput unioqqutitsinerit suut nalunaarutigineqarsinnaanerannik kiallu nalunaaruteqarsinnaaneranik paasissutissat. Piumasaqaataavorli pasinapiluttumik kalerriisartoq suliffimmi avataaniluunniit pasinapiluttoqarneranik kalerriisoqarsinnaatitsinermut nalunaaruteqarnissamik nammineq aalajangiisinnaasoq peqatigitillugu paasissutissiissutigineqassaaq.

Paasissutissat inunnit aaqqissuussinermi ilaasunit pissarsiarineqarsinnaanngortillugit takuneqarsinnaasumi pissarsiarineqarsinnaanngortinneqassapput, assersuutigalugu sulisitsisup

nittartagaani intranetsimiluunniit, paasissutissallu pisariaqartitsineq malillugu ileqqorissaarneq innarligassaannginnerlu pillugit pikkorissarnerni ilinniartitaanerlu pillugu isumasioqatigiinnerni aamma ilanngunneqarsinnaallutik

imm. 1, nr. 2-mi siunnersuutigineqarpoq sulisitsisup avataanut nalunaaruteqarnermut suleriaatsit pillugit paasissutissat ersarissumik paasuminartumillu pissarsiarineqarsinnaanngortissagai, tak. kapitali 4.

Siunnersuutigineqarpoq sulisut amerlassusaannik naatsorsuineq inatsisisstatut siunnersuummi § 9, imm. 1 tassungalu nassuaatit naapertorlugit paasineqassasoq.

§ 14-imut

§ 14-imi siunnersuutigineqarpoq sulisitsisup § 9-mi § 15-imilu ilaatinneqartup pasinapiluttoqarneranik kalerriisoqarsinnaatitsinermut allaganngorlugit upternarsaatit toqqortarissagai, tak. §§ 10-20.

Sulisitsisup taamaalilluni allaganngorlugu, oqaasiinnartigut taakkuluunniit ataatsikkut atorlugit nalunaaruteqartoqarsinnaanera – naleqqunneranilu – naapilluni ataatsimiinnermi oqaasiinnartigut nalunaaruteqartoqarsinnaanera upternarsarsinnaassavaa.

Aamma pasinapiluttumik kalerriisoqarnermut immikkoortortaqrifimmi toqqaasimaneq allaganngorlugu upternarsaammi allaqqassaaq, tassani inuup immikkoortortaqrifulluunniit sumulluunniit attuumassuteqanngitsup nalunaarutinik tigusisarneq, nalunaarutinik nangitseqqiisarneq pasinapiluttumik kalerriisumut akissuteqarneq akisussaaffigissavai.

Aamma pasinapiluttoqarneranik kalerriisoqarsinnaatitsinerup pilersinneqarnikuunera imatullu ingerlanneqarnera pasinapiluttumik kalerriisup, inuup akuusup suleqatillu pingajuata kinaanerat isertuunneqarnerata qulakkeerneqarnera sulisullu akuerisaanngitsut paasissutissanik taamaattunik pissarsisinnaanerat aamma tigusisarnermut, suliaqartarnermut nangitsisarnermullu suleriaatsinik naleqquttunik atuutilersitsisoqarnikuusoq upternarsarneqarsinnaassapput.

Sulisitsisup aamma avataani suliffimmilu pasinapiluttoqarneranik kalerriisoqarsinnaatitsinermut il.il. nalunaaruteqartarnermut suleriaatsit pillugit paasissutissat ersarissumik paasuminartumillu tamanut saqqumiisimaneq allaganngorlugu upternarsassavaa. Isumalluutinik avitseqatigiinnissamik perarfissaq atorneqarpal allaganngorlugu upternarsaammi aamma allaqqassaaq.

Uppernarsaasiortussaatitaanertut siunnersuutigineqartumi tamanna pillugu kapitali 4-mi malittarisassatut siunnersuutigineqartut naapertorlugit pasinapiluttoqarneranik kalerriisoqarsinnaatsinermut pilersitsisussaatitaanerup eqqortinneqannginneranik nalunaarutnik misissuisinnaanerup ajornannginnerulersinnissaa tassunga atatillugu pingaartumik siunertaavoq, Tassunga atatillugu oqaatigineqassaaq, uppersaasiortussaatitaanermik siunnersuutigineqartumik eqqortitsinnginneq nammineq akiliisitsinermik kinguneqarsinnaasoq, tak. § 30, imm. 2-tut siunnersuutigineqartoq.

§ 15-imut

Sulisitsisoq imm. 1-imi siunnersuutigineqartoq malillugu sulisut paassisutissanik § 1, imm. 1-imi ilaatinneqartunik nalunaaruteqarfisinaasaannik avataani pasinapiluttoqarneranik kalerriisoqarsinnaatsinermik pilersitsissasut.

Aalajangersagassatut siunnersuutigineqartoq namminersortuni pisortanilu sulisitsisunut atuuppoq.

Pisortat ingerlatsineranni inatsisilerinermi immikkoortortaqarfiiit pisortat ingerlatsineranni suliassat suliarineqartarnerat pillugu inatsimmi ilaatinneqartut tamarmik ilaatinneqarput. Pisortat ingerlatsineranni suliassat suliarineqartarnerat pillugu inatsimmi § 1, imm. 1-imi allaqqavoq, inatsit pisortat ingerlatsineranni immikkoortunut tamanut atuuttoq. Inatsisilerinermi immikkoortortaqarfiiit tamarmik pisortat ingerlatsineranni suliassat suliarineqartarnerat pillugu inatsimmi § 1, imm. 1-imi ilaatinneqartut taamaalillutik inatsit manna malillugu pisortat § 3, imm. 1, ne. 14-imi nassuiserneqartutut ingerlatsinnerannut ilaatinneqarput.

Pisortat ingerlatsinerannut aamma ilaatinneqarput Inatsisartut sulisoqarfiillu tassunga ilaasut. Naalagaaffimmili oqartussaasut Kalaallit Nunaanniittunut tamatumani lu eqqartuussiviit inatsimmut ilaanngillat, kisiannili Inatsisinik Atortitsinermut Ministereqarfik oqartussaasunut taakkununnga danskit inatsisaannik atulersitsisinnaapput.

Namminersorlutik inuussutissarsiuteqartuni taamaalillutik ilaapput inatsisilerinermii immikkoortortaqarfiiit allat tamarmik, pisortat ingerlatsineranni suliassat suliarineqartarnerat pillugu inatsimmi § 1, imm. 1-imi ilaatinneqanngitsut aamma Inatsisartut sulisoqarfiillu tassunga ilaasut, ! 3, imm. 1, nr. 15-imi nassuiaaserneqartutut naalagaaffiup Kalaallit Nunaanni sulisoqarfiisa, tassunga ilanngullugit eqqartuussiviit, ataaniinngitsut.

Siunnersuutigineqarpoq taaguut ”sulisitsisoq” (inatsisit naapertorlugit immikkoortoq) CVR pillugu inatsimmi taaguutip ”inatsisit naapertorlugit immikkoortoq” nassuiardeqarnera naapertorlugu siunnersuummi matumani paasineqassasoq. Naapertuutsitsinissatut siunnersuutigineqartoq taamaalilluni kinguneqarpoq sulisitsisut tamarmik CVR-normoqartut amerlaqatigiinnik amerlanerusunilluunniit sulisoqartut Naalakkersuisunit aalajangerneqartutut suliffimmi pasinapiluttoqarneranik kaleriisoqarsinnaatitsineq periarfissami ilaatinneqassasut.

Pisortani sulisitsisut tamarmik, sulisuisa amerlassusii apeqqutaatinnagit, avataani aaqqissuussamik pilersitsinissamik pisussaatitaapput, namminersorlutillu sulisitsisut 30-nik amerlanersunilluunniit sulisullit avataani pasinapiluttoqarneranik kaleriisoqarsinnaatitsinermut pilersitsinissamik pisussaatitaallutik. Sulisut amerlassusaannik naatsorsuinermi sulisut suliffeqarnermi namminneq suliaqarnerminnut akissarsiaqartut tamarmik sunik suliaqarnerat apeqqutaatinnagu ilanngunneqassapput. 30-nik sulisoqarnissamik killigititaq sulisitsisut immikkoortunut aalajangersimasunut malittarisassat atuuffiannut ilaatinneqartut eqqarsaatigalugit atuutinngilaq.

30-nik sulisoqarnermut killigititaq suliffeqarfiiit aningaasaqarnikkut artukkerneqannginnissaannik tunngaveqarpoq, tamatumanilu sulisut Inatsisartut inatsisaata ataani pisinnaatitaaffeqarnissaat qularnaarniarlugu. Naatsorsueqqissaartarfiup paassisutissai tunngavigalugit namminersorlutik suliffeqarfiiit 50-70-it missaanniit inatsisartut inatsisaanut ilaatinneqarpt.

Pasinapiluttoqarneranik kaleriisoqarsinnaatitsinerit imm. 3-tut siunnersuutigineqartoq malillugu immikkoortunut aalajangersimasunut inatsisit naapertorlugit pilersinneqassapput. Sulisitsisut taakkunani ilaatinneqartut avataani pasinapiluttoqarneranik kaleriisoqarsinnaatitsineq atuttoq pioreersumut ilanngunneqassanersoq imaluunniit Inatsisartut inatsisaanni malittarisassanik eqqortitsilluni immikkut pilersitsissanerlutik namminneq aalajangissavaat.

Sulisitsisup qanorluunniit pisoqaraluarpat aaqqissuussinermi imaluunniit aaqqissuussinerni malittarisassat tassunga atasut eqqortinneqarnissaat isumagissavaa.

Siunnersuutigineqarpoq Naalakkersuisut namminersorlutik sulisitsisut qassnik sulisoqarneranik killissamik appaanissamut, pasinapiluttoqarneranik kaleriisoqarsinnaatitsinermut pilersitsinissamut killissamik annikilliliinissamut piginnaatinneqassasut. Tamanna attuumassuteqassaaq, allaffissornikkut oqartussaq suliffeqarfiiit minnernut ataatsimut isaavimmik, aningaasartuutitigut oqimaaqatigiittumik,

pilersitsinermik misilittagaqalerpat. Taamaasiornikkut namminersorlutik sulisitsisut 20-nik, qulinik imaluunniit tallimanik sulisullit aaqqissuussamut ilaatinneqarsinnaassapput, tamannalu isumaqarpoq suliffiit 88-it, 167-it imaluunniit 286-it tamatumunnga aamma ilaatinneqarsinnaassapput.

Oqaatigineqassaaq aalajangigassatut siunnersummi taamaallaat sulisitsisut suliffimmi pasinapiluttoqarneranik kalerriisoqarsinnaatitsinermik sulisitsisut sulisuminnut atugassiinissaannut periarfissiisoqartoq. Tamassumali sulisitsisup pasinapiluttoqarneranik kalerriisoqarsinnaatitsinerup saniatigut sulisunit allanit, tassunga ilanngullugit sulisut immikkoortuinit allanit, atorneqarsinnaalersitsineranik aalajangernissaa pinngitsoortissinnaanngilaa. Pingaartumik tassaasinnaapput pilersuisut suliaqarnermilu pilersuisut, piumassutsiminnik sulisut, akissarsiaqarlutik akissarsiaqarnatilluunniit sulinermik misiliisut, inuit sulisitsisumi siusinnerusukkut sulisimasut paassisutissanillu pineqartup sulisitsisumi sulinermiin pissarsiaminik aamma sulinerup aallartinnginnerani pineqartup sulilernissamut atatillugu pissarsiarisaminik imaluunniit isumaqatigiissutissat allat isumaqatigiinniutiginissaat sioqqullugu pissarsiansiaminnik nalunaaruteqartut

Aamma imm. 4-mi siunnersuutigineqarpoq, sulisitsisut sulisitsisut namminersortut avataani aaqqissuussinernut nalunaarutit taamaattut kingunerannik suliarineqaetussanik nalunaarutinik tigusineq misissuisinnaanerillu eqqarsaatigut isumalluutinik avitseqatigiissinnaassasut.

Kisianni suliffeqarfiiit ataasiakkaat avataaniluunniit suleqatit pasinapiluttumik kalerriisumut nalunaaruteqarnissamik tak. siunnersutigineqartut § 12, imm. 2, nr. 3 aamma § 17, imm. 1 nr. 3, unioqqutitsinernillu pinaveersimatisinissamik suli akisussaaffeqarput. Aamma suliffeqarfik avataaniluunniit suleqatigisat pingajuata pasinapiluttumik kalerriisup kinaanerata isortuunnissaanut akisussaaffeqarput, tak. § 24-tut siunnersuutigineqartoq.

§ 16-imut

Imm. 1-imi siunnersuutigineqarpoq avataani pasinapiluttoqarneranik kalerriisoqarsinnaatitsinermik allaganngorlugu oqaasiinnartigullu nalunaaruteqarsinnaatitsisoqassasoq pasinapiluttumik kalerriisullu qinnuivigininneratigut piffissaliussap naleqquttup iluani naapillugu ataatsimiinnermi nalunaaruteqarsinnaatitsisoqassasoq.

Tamanna pillugu nalunaarutit, naapilluni ataatsimiinneq piffissarititallu naleqquttut pillugit § 10, imm. 1-imut nassuaatit takukkit.

Siunnersuutigineqarpoq suliassat § 18-imi taaneqartut avataani suleqatit pingajuannit nalunaarutit Inatsisartut inatsisaat malillugu suliarineqarnerannut piumasaqaatinik eqortitsisussamit suliarineqartassasut. Aalajangersagaq malillugu suleqatit pingajuata toqqarneqartup sulisitsisumut tunngatillugu avataaniittuunissaa piumasaqaataavoq.

Avataani pasinapiluttoqarneranik kalerriisoqarsinnaatitsineq taamaalilluni avataani pilersuisumut tamakkiisumik suliakkiutigineqarpoq. Avataani suleqatit pingajui naleqquttut assersuutigalugu tassaasinnaapput nalunaaruteqartarfinnik avataani neqerooruteqartut, avataani eqqartuussissuserisut kukkunersiusulluunniit. Piginneqatigiiffik suliffissuaatilik peqqussutip imarisaa naapertorlugu avataanit pingajuusinnaanngitsoq. Tamassuma assersuutigalugu kinguneraa piginneqatigiiffik pingarnerusoq piginneqatigiiffiutiminut allanut avataanit pingajuusinnaanngitsoq.

Sulisitsisoq taamatut avataani suliakkiinermi inatsisit manna malillugu pisussaaffini eqqortinngitsoorsinnaanngilai, aamma suliffeqarfik oqartussallu avammut suliakkiinermi atuisut taamaalillutik aaqqissuussinermi inatsisitigut piumasaqaatit sorianut attuumassuteqartut tamaasa eqqortinnissaannut suli akisussaaffeqarput. Tamanna tunngavigalugu piumasaqaataavoq avataani suleqatit pingajuata sumulluunniit attuumassuteqannginnissamik, paassisutissanik suliaqartarnermut nipangiussimasussaatitaanermullu il.il. Inatsisartut inatsisaanni piumasaqaatinik eqortitsinissaq allaganngorlugu qularnaassavaa.

Naalakkersuisut imm. 2-tut siunnersuutigineqartoq malillugu § 16 malillugu avataani pasinapiluttoqarneranik kalerriisoqarsinnaatitsinermut piumasaqaatinik sukumiinerusunik aalajangersaasinnaapput.

§ 17-imut

§ 17, imm. 1, nr 1-imi siunnersuutigineqarpoq, avataani pasinapiluttoqarneranik kalerriisoqarsinnaatitsinermi avataani suleqatit pingajuannik nalunaarutinik tigusisarnermik akisussaasussamik pasinapiluttumik kalerriisumillu attaveqartussamik toqqaasoqassasoq.

Imm. 1, nr. 2-mi aamma siunnersuutigineqarpoq, avataani pasinapiluttoqarneranik kalerriisoqarsinnaatitsinermi avataani suleqatit pingajuannik § 18, imm. 2, nr. 2-tut siunnersuutigineqartoq naapertorlugu nalunaarutinik tiguneqartunik nangitseqqinnissamik akisussaasussamik toqqaasoqassasoq.

Naggasiullugu imm. 1, nr. 3-mi siunnersuutigineqarpoq, avataani pasinapiluttoqarneranik kalerriisoqarsinnaatitsinermi avataani suleqatit pingajuannik § 18, imm. 2, nr. 3-tut siunnersuutigineqartoq naapertorlugu pasinapiluttumik kalerriisartumut akissuteqarnissamik akisussaasumik toqqasoqassasoq.

Imm. 2-mi siunnersuutaavoq, sulisitsisut suliffeqarfissuarmi imminnut atasut § 15-ip ataaniittooq suliffeqarfiiit ingerlatseqatigiiffissuarnut ilaasut sinnerlugit avataani suliamut ilaasoq assinga, tamatumani lu ilaasoq manna Inatsisartut inatsisaanni piumasaqaataatit naapertorlugit nammineernermut, paassisutissanik illersuinermut nipangiussimasussaatitaanermut il.il. naapertorpagit, suliffimmi pasinapiluttoqarneranik kalerriisoqarsinnaatitsinermik pilersitsisinnaassasoq.

Imm. 3-mi siunnersuutigineqarpoq imm. 2-p atuutinnginnissaanik Naalakkersuisut malittarisassiorsinnaasut, taamaalilluni suliffeqarfiiit suliffeqarfissuarmi imminnut atasut aaqqissuussinerit ataatsimoorussinnaanagit, suliffeqarfiiilli ataasiakkaat immikkut aaqqissuussaqassasut.

§ 18-imut

§ 18, imm. 1-imi siunnersuutigineqarpoq, avataani pasinapiluttoqarneranik kalerriisoqarsinnaatitsineq imatut ilusilersorneqassasoq, pilersinneqassasoq ingerlanneqassasorlu paassisutissat tamakkiisuunerat, innarligassaannginnej isertuussinerlu aamma inuit akuerisaangitsut taakkuninnga pissarsisinnaannginnerat qulakkeerneqarluni.

Aalajangersagaq kinguneqarpoq, sumulluunniit attuumassuteqanngitsunik aqtsisoqarluni nalunaarfiusinnaasumik immikkut ingerlatsivimmik pilersitsisoqassasoq. Aalajangersagaq siunnersummi § 24-mut atatillugu isagineqassaaq, tassani aalajangersarneqarpoq inuit paassisutissat pasinapiluttumik kalerriisullu kinaanera pillugit nipangiussimasussaatitaasut.

Imm. 2, nr. 1-imi siunnersuutigineqarpoq avataani pasinapiluttoqarneranik kalerriisoqarsinnaatitsinermi pasinapiluttumik kalerriisartoq erseqqissumik allatut qinnuiviginningippat imaluunniit nalunaarutip uppermarsarnerani pasinapiluttumik kalerriisartoq kinaanerat illersorneqarnera navianartorsiortinneqarnissaanik isumaqarnissaq tunngavissaqarpat, pasinapiluttumik kalerriisartoq nalunaarutip tigunerata kingorna qaammatisiutit malillugit ullut arfineq marluk iluanni uppermarsaammik tigusinnissaanik suleriaatsinik naleqquttumik pilersitsisoqassasoq.

Tamanna pillugu uppermarsaanerup piffissallu ilusilersornerat pillugu § 12-imut nassuaatit takukkit.

Imm. 2, nr. 2-mi siunnersuutigineqarpoq avataani pasinapiluttoqarneranik kalerriisoqarsinnaatitsinermi nalunaarutinik peqqissaartumik nangitseqqinnissamik qulakkeerinniffiusunik suleriaatsinik naleqquttumik atuutilersitsisoqassasoq.

Tamanna pillugu nalunaarutinik nangitseqqinnej pillugu § 12-imut nassuaatit takukkit

Imm. 2, nr. 3-mi siunnersuutigineqarpoq avataani pasinapiluttoqarneranik kalerriisoqarsinnaatitsinermi pasinapiluttumik kalerrisartoq upernarsaatip tigunieranit qaammatit pingasut imaluunniit naleqquttumik tunngavilersuisoqartillugu qaammatit arfinillit qaangernagit piffissarititap naleqquttup iluani akissummik tigusinissaa qulakkeerlugu suleriaatsinik naleqquttunik atuutilersitsisoqassasoq.

Tamanna pillugu pasinapiluttumik kalerrisartumut akissuteqarneq pillugu § 12-mut nassuaatit takukkit.

Imm. 2, nr. 4-mi siunnersuutigineqarpoq avataani pasinapiluttoqarneranik kalerriisoqarsinnaatitsinermi pasinapiluttumik kalerrisartoq nr. 3 malillugu akissuteqarnermut atatillugu taamatut nalunaaruteqartoqanngippat nalunaaruteqarnerup kingunieranik misissuinerup inernivia pillugu tigusaqarnissaanik qulakkeerinnittussamik suleriaatsinik naleqquttunik atuutilersitsisoqassasoq.

Imm. 2, nr. 5-imi siunnersuutigineqarpoq avataani pasinapiluttoqarneranik kalerriisoqarsinnaatitsinermi pasinapiluttumik kalerrisup § 25, imm. 4 naapertorlugu paasissutissanik ingerlatseqqinnginnermi tunngavilersukkamik allaganngorlugu tigusaqarnissaanik qulakkeerinnittumik suleriaatsimik naleqquttumik atuutilersitsisoqassasoq. Nalunaarut taaneqartoq allagaassaaq aammalu paasissutissanik isertuussanik pineqartunik ingerlatitseqqinermut tunngavilersummik imaqassalluni.

Nalunaarut taaneqartoq allanngorsimassaaq, paasissutissanillu isertuussanik pineqartuni ingerlatsitseqqiinermut tunngavilersummik imaqassalluni.

Imm. 3-mi siunnersuutigineqarpoq avataani pasinapiluttoqarneranik kalerriisoqarsinnaatitsinermi nalunaarutit § 1, imm. 1 naapertorlugu inatsisip atuuffianut ilaannngitsut itigartinneqarsinnaasut, avataanilu pasinapiluttoqarneranik kalerriisoqarsinnaatitsinermut aaqqissuussivik taakkuninga oqartussat allanut ingerlatitseqqinnissamut pisussaaffeqartoqanngitsoq.

§ 19-imut

Imm. 1, nr. 1-imi siunnersuutigineqarpoq sulisitsisoq § 15-imi ilaatinneqartoq avataani pasinapiluttoqarneranik kalerriisoqarsinnaatitsinermut nalunaaruteqarnermi suleriaatsit pillugit sulisuminut ersarissumik paasuminartumillu paasissutissiissasoq.

Paasissutissani taamaattuni ilaapput unioqqutitsinerit suut nalunaarutigineqarsinnaanersut kinalu nalunaaruteqartoqarsinnaanersoq.

Paasissutissat inunnit aaqqissuussinermi ilaasunit pissarsiarineqarsinnaanngortillugit takuneqarsinnaasumi pissarsiarineqarsinnaanngortinneqassapput, assersuutigalugu sulisitsisup nittartagaani intranetsimiluunniit, paasissutissallu pisariaqartitsineq malillugu ileqqorissaarneq innarligassaanginnerlu pillugit pikkorissarnerni ilinniartitaanerlu pillugu isumasioqatigiinnerni aamma ilanngunneqarsinnaallutik

Avataani pasinapiluttoqarneranik kalerriisoqarsinnaatitsinermi avataani suleqatit pingajuanni paasissutissat ersarissumik allaqqanissaat pingaaruteqartorujussuuvoq.

§ 20-mut

Imm. 1-imi siunnersuutigineqarpoq avataani pasinapiluttoqarneranik kalerriisoqarsinnaatitsinermi paasissutissat unioqqutitsinernik ersarissumik mianernannginnerusunik nangitseqqinnissamillu pisariaqarfiumngitsunik imaqartut suliarineqarnerisa naammassineqarnissaannik aalajangiisoqarsinnaasoq.

Paasissutissat taamaattut assersuutigalugu tassaasinnaapput aalajangersakkanik siunnersummi § 1, imm. 1 naapertorlugu Inatsisartut inatsisaata atuuffianut ilaasunik annikinnerusumik unioqqutitsinerit. Assersuutigalugu tassaasinnaapput saniatigut aalajangersakkanik unioqqutitsinerit pillugit nalunaarutit, assersuutigalugu upernarsaasiortussaatitaaneq nalunaaruteqartussaatitaanerlu pillugit aalajangersakkat. Pissutsinik suliamilu pissusivinnik naleqquttumik nalilersuineq tunngavigalugu taamatut aalajangiisoqassaaq.

Inatsisartut inatsisaanni § 1 umm, 1 ilanngullugu aalajangersagaq § 20, imm., 1, nr. 1 imatut paasineqassasoq avataani pasinapiluttoqarneranik nalunaaruteqarsinnaatitaaviup suliap tunniussinerup kingorna allaqgasup “annikitsumik ilungersunarpooq” suliarinera naammassisinnaagaa.

Taamatut aalajangiisoqarpat pisussaaffiit allat siunnersummi tamanna pillugu aalajangersakkanik unioqqutitsinerit allat pinngitsoortinnissaannut suleriaatsit allat kalluarneqanngillat. Aamma illersuineq inuit siunnersummi illersorneqarnermut ilaatinneqartut illersorneqarnerat aamma kalluarneqanngilaq.

Imm. 2-mi siunnersuutigineqarpoq imm. 1 malillugu aalajangiinerit allaffisornermi oqartussanut suliassanngorteqqinnejarsinnaanngitsut. Taamaallaat aalajangiinerit allaffisornermi oqartussanut allanut suliassanngorteqqinnejarsinnaanngitsut pineqarput. Pasinapiluttumik kalterriisup avataani suleqatit pingajuata pasinapiluttumik kalterriisoqarnermut atatillugu Inatsisartut inatsisaanni aalajangersakkanik eqqortitsinnginnera misigippagu, taanna Naalakkersuisumut suliaqarfimmik akisussaasumut maalaarutigineqarsinnaasoq. Annertunerusut § 27-mi takukkit.

§ 21-mut

§ 21-mi allaqqavoq, inuit pillugit paasissutissat inatsit manna naapertorlugu nalunaarutit pasinapiluttoqarneranik kalterriisoqarsinnaatitsinermi pilersinneqartup ilaatut tiguneqartut suliarinerannut pisariaqarpata suliarineqarsinnaapput.

Pisortani oqartussat namminersortullu aalajangersagassatut siunnersuutigineqartumi piginnaatitsisoqarneratigut nalunaarutip aalajangersimasup pasinapiluttoqarneranik kalterriisoqarsinnaatitsinerup inatsit manna naapertorlugu pilersinneqartup ilaatut tiguneqartup suliarineranut pisariaqarpat, inuit pillugit paasissutissat suliarisinnaavaat. Tamanna assersuutigalugu pisinnaavoq oqartussat namminersortulluunniit nalunaarummik tiguneqartumik misissuinerannut atatillugu. Taamaalilluni aalajangersakkap atorneqarsinnaaneranut pasinapiluttoqarneranik kalterriisoqarsinnaatitsinermit inatsisisattut siunnersuut naapertorlugu pilersinneqartumi suliarinninnissaq piumasaqaataavoq.

Pisariaqartuunera pillugu aalajangersakkami piumasaqaatip kinguneraa, paasissutissanik akisussaasup inuit pillugit paasissutissat tiguneqartut suliarinissaat pisariaqartinneqarnissaq nalilersuissaaq.

Kisianni sulisoqarfii Inatsisartut ataaniittut eqqarsaatigalugit, taakku inuit pillugit paasissutissat pillugit inatsimmi ilaatinneqanngillat.

§ 22-mut

Nalunaarutit tiguneqartut nalunaarsorneqassasut, nalunaarsuinerlu taanna nipangiussimasussaatitaaneq § 24-mi aalajangersarneqartoq naapertorlugu pissassaaq imm. 1-imi siunnersuutigineqarpoq.

Aalajangersakkami siunertaq pingaartumik tassaavoq nalunaarutini tiguneqartuni uppernarsaatinik qulakkeerinninnissap tapersernissaa, taamaalilluni nalunaarutit tiguneqartut eqpartuussivimmut atuutsitsinermi suliassanngortitsisoqarpat il.il. atatillugu atorneqarsinnaaniassammata.

Nalunaarutinik tiguneqartunik nalunaarsuinermi aamma siunertaavoq inuit pinerlussimanermut suliakkiisinnaanermut imaluunniit paassisutissat nalunaarutigineqartut uppernarsaatitut il.il. atorneqarnerannut atatillugu sunniuteqartumik imminnut illorsorsinnaatitaanerisa qulakkeerneqarnissaa.

Nalunaarsuisussaatitaanertut siunnersuutigineqartumi aamma pasinapiluttumik kalerriisarnermut immikkoortortaqarfik taamatut ataatsimoortitsinermi naleqquttumik nangitseqqinnissaq pinngitsoortitsinissarlu nalunaarutit ataasiakkaat tunngavigalugit pisinnaatinngagittissimi ataatsimi nalunaarutinit arlalinnit paassisutissat ataatsimoortinnejqarsinnaanerisa qulakkeernissaa. Nalunaarummik nalunaarsuineq, unioqqutitsinerup il.il. pinngitsoortinneqarnissaanik siullermik kinguneqarsinnaanngitsoq, taamaalilluni kingusinnerusukkut atorneqarsinnaalersinnejqassaaq suliffimmilu pineqartumi unioqqutitsinerit pinngitsoortinnissaannut tapersiilluni.

Nalunaarsuisussaatitaaneq uppernarsaatinut pasinapiluttumik kalerriisup nalunaaruteqarnerata kinguneranik tiguneqartunut tamanut atuuppoq.

Tamanna pillugu nalunaarsuvimmi paassisutissanik killilimmik pissarsiaqarsinnaaneq pillugu § 12-imut nassuaatit takukkit.

Imm. 2-mi siunnersuutigineqarpoq inatsit manna naapertorlugu nalunaarutit taamaallaat inatsisimmi matumani piumasaqaatit eqqortinneqarnissaannut pisariaqartillugu pingaaruteqarnerallu malillugu toqqortarineqassasut.

Nalunaarutit aalajangersagaq malillugu qanoq sivisutigisumik toqqortarineqassanersut aalajangerneqarsinnaanngilaq. Tamassumani nalunaarutit siusinnerusukkut tiguneqartut toqqortarinissaasa pisariaqarnerat pingaaruteqarnerannillu pasinapiluttumik kalerriisarnermut immikkoortortaqarfip pineqartup ingerlaavartumik naliliisarnera apeqqutaavoq. Inuit pillugit

paasissutissanik illersuineq pillugu inatsisini malittarisassat naapertorlugit toqqortarinninnej aalajangersakkamut nalinginnaasumik naapertuitissapput.

Nalunaarutip suli toqqortarineqarsinnaaneranik naliliinermi pingaartumik inatsisisstatut siunnersuut malillugu illersorneqarsinnaatitaasut nalunaarummik pineqartumik uppernarsaanissamik pisariaqartitsilernissaasa ilimanarnera ilanggunneqassaaq. Aamma suli toqqortarinninssamut nalunaarummi pineqartumi pissutsip assinganik kingusinnerusukkut takkuttumik qularunnaarsitsisoqarsinnaaneranik isumaqarnissamut pissutissaqarsinnaanera tunngaviussaaq, assersuutigalugu pasinapiluttumik kalerriisarnermut immikkoortortaqarfik pineqartoq nalunaarutip suussusiata assinganik arlaleriarluni tigusaqartarnikuunera pissutigalugu.

§ 23-mut

Imm. 1-imi siunnersuutigineqarpoq, oqaasiinnartigut nalunaarutit oqaloqatigiinnerit ataatsimiinneriluunniit immiunnerisigut imaluunniit ataatsimiinnermit oqaloqatigiinnermillu pasinapiluttumik kalerriisup misissussallugit, naqqissallugit periarfissaqarfisaaq eqqortumik takutitsisumik imaqaarniliornikkut imaqaarniliarlu atsiorlugu akuersineratigut uppernarsarneqassasut.

Pasinapiluttumik kalerriisartoq akuersinngippat, pasinapiluttumik kalerriisarnermut immikkoortortaqarfik taamaalluni pasinapiluttumik kalerriisup misissussallugu, naqqissallugu imaqaarniliarlu atsiorlugu, akuerinissaanik periarfissarisaanik eqqortumik takutitsisumik imaqaarniliornikkut imaluunniit imm. 2-tut siunnersuutigineqartoq naapertorlugu oqaloqatigiinnermit eqqortumik takutitsisumik assiliilluni allakkiornikkut nalunaarummik nalunaarsuissaq.

Imm. 2-mi siunnersuutigineqarpoq, digitalinngorlugu attaveqaatikkut oqaasiinnartigut nalunaarutit aamma oqaloqatigiinnermit eqqortumik takutitsisumik pasinapiluttumik kalerriisup misissussallugu, naqqissallugu periarfissaqarfisaaq allakkiornikkut allakkiarlu atsiorlugu akuersineratigut aamma uppernarsarneqarsinnaasut.

§ 24-mut

Imm. 1-imi aalajangersakkakut siunnersuutigineqarpoq nalunaarutinik tigusisartussatut suliarinnittartussatullu toqqarneqartoq, tak. § 11 aamma § 18, paasissutissat tassunga ilaasut eqqarsaatigalugit nipangiussimasussaatitaasoq.

Aalajangersagassatut siunnersuutigineqartumi immikkut nipangiussimasussaatitaaneq atuutilersinneqarpoq. Nipangiussimasussaatitaaneq namminersorluni inuussutissarsiutini siunnersummi suliffimmi pasinapiluttoqarneranik kalerriisoqarsinnaatitsinernut kapitali 3-imi ilaatinneqartunut tamatut atuuppoq. Nipangiussimasussaatitaaneq aamma avataanit pasinapiluttoqarneranik kalerriisoqarsinnaatitsinernut siunnersummi kapitali 4-mi ilaatinneqartut atuupput.

Immikkut nipangiussimasussaatitaaneq ilaatigut kinguneqarpoq pissutsini aalajangersakkami ilaatinneqartuni pisortat ingerlatsineranni suliassanik suliarinnitarneq pillugu inatsit malillugu allagaatinik takunnissinnaatitaanermut ilaatinneqassanngitsut.

Imm. 2-mi siunnersuutigineqarpoq imm. 1-imi nipangiussimasussaatitaaneq taamatuttaaq inunnut § 25 malillugu ingerlatitseqqiinikkut paasissutissanik imm. 1-imi taaneqartunik ilisimasaqalersunut atuutissasoq.

Imm. 2-tut aalajangersagassatut siunnersuutigineqartoq kinguneqarpoq, inuit siunnersummi § 2-mi aalajangersagassatut siunnersuutigineqartoq naapertorlugu akuerisaasumik ingerlatitsinissamut atatillugu pasinapiluttumik kinaaneranik ilisimasaqalersut imaluunniit paasissutissat allat aallaavigalugit pasinapiluttumik kalerriisup kinaaneranik toqqaannartumik toqqaannanngitsumilluunniit paasisaqartoqarsinnaatillugu (tassa paasissutissat imm. 1-imi taaneqartut) sulisut paasissutissanik akuerisaasumik ingerlatitseqqiisinjaasut assigalugit nipangiussimasussaatitaasut.

Imm. 3-mi siunnersuutigineqarpoq, imm. 1-imi nipangiussimasussaatitaaneq taamatuttaaq suliffeqarfinni oqartussaniluunniit sulisunut akuerineqanngitsunut avataani pasinapiluttoqarneranik kalerriisoqarsinnaatitsinernut, tak. § 16. paasissutissanik imm. 1-imi taaneqartunik siunertarineqanngitsumik ilisimasaqalersunut atuutissasoq.

§ 25-mut

Immikkoortoq 1-imi siunnersuutigineqarpoq, pasinapiluttumik kalerriisup kinaanera pillugu paasissutissat taakkunani pasinapiluttumik kalerriisup kinaanera toqqaannartumik toqqaannanngitsumillu paasineqarsinnaalluni, sulisut nalunaarutinik tigusisinnaatitaasutut nangitseqqinnejqarsinnaasutullu akuerineqartut, tak. § 11, imm. 1 aamma § 18, saniatigut pasinapiluttumik kalerriisartoq ersarissumik akuersisimatinnagu allanut ingerlateqqinnejqassanngitsut.

Sulisut akuerisaasut § 11, 1 aamma § 17 naapertorlugu nalunaarutinik tigusisartussatut nangitseqqisartussatullu toqcarneqartut aalajangersagassatut siunnersuut malillugu pasinapiluttumik kalerriisup kinaaneranik il.il. paasissutissanik sulisut akuerisaasut ataasiakkaat § 24, imm. 1 malillugu nipangiussimasussaatitaanermik unioqqutitsinatik akornermimmi avitseqatigiissinnaassasut.

Imm. 2-mi siunnersuutigineqarpoq paasissutissat imm. 1-imi ilaasut, tak. § 1, imm. 1, aatsaat unioqqutitsineq iliuuseqarfingiarlugu imaluunniit inuit akuusut imminnut illersorsinnaatitaanerisa qulakteernissa siunertaralugu pippat, pasinapiluttumik kalerriisartoq akuersippat pisortani oqartussanut allanut ingerlateqqinnejassasut.

Aalajangersagassatut siunnersuutigineqartoq malillugu unioqqutitsinerit nalunaarutigineqartut pinngitsoortinnissaat misissornissaallu siunertaralugu ingerlatitseqqissinnaassaaq, tassunga ilanngullugit politiinut imaluunniit immikkoortumi nakkutilliinermi oqartussanut suliamut attuumassuteqartunut, assersuutigalugu pasinapiluttumik kalerriinermi immikkoortortaqarfiup misissuineranut atatillugu imaluunniit eqqartuussivimmieq suliaqarnermut atugassatut, tassunga ilanngullugu inuit akuusut imminnut illersorsinnaanerisa qulakteernissaanut pisariaqartillugu, Finanstilsynimut, Datatilsynimut imaluunniit akileraartarnermi nakkutilliinermi oqartussanut suliamut attuumassuteqartunut.

Aalajangersagaq naapertorlugu paasissutissat oqartussanut akuusinnaasunut ingerlateqqinnejarsinnaanngillat, assersuutigalugu pasinapiluttumik kalerriisartoq erseqqissumik akuersisimatinnagu pasinapiluttumik kalerriisup pineqartup suliffianut.

Akuersineq imatut paasineqassaaq, piumassutsimik, aalajangersimasumik paasisimasaqarlunilu piumassusermik nalunaaruteqarneq, tassani paasissutissani pineqartoq paasissutissat ingerlateqqinnejarsinnaanerannik akuersissalluni. Akuersineq uterteqqinnejarsinnaavoq.

Pasinapiluttumik kalerriisartup tamanut saqqummiinermut atatillugu kinaanini piaaraluni paasitippagu, pineqartup kinaanerata illersorneqarnissaata immikkut mianerineqarnissaa atorunnaassaaq.

Imm. 3-mi siunnersuutigineqarpoq, paasissutissanik allanik imm. 1-imi taaneqartunik nalunaaruteqarnerup saniatigut paasissutissanik tigusisussanik ingerlatitseqqittussanillu toqcarneqarsimasunut aatsaat ingerlatitseqqisoqarsinnaasoq, tak. § 11, imm. 1 aamma § 17, nalunaarutigineqartoq iliuuseqarfingiarlugu, imaluunniit unioqqutitsinerit pinngitsoortinniarlugit iliortoqarpat, tak. § 1, imm. 1.

Assersuutigalugu nalunaarutigineqartumik unioqqutitsisoqavittoqarnersoq imaluunniit unioqqutitsisoqavissimanersoq misissorniarlugu paasissutissat suliffeqarfimmi oqartussaniluunniit namminerni avitseqatigiissutigineqarsinnaapput. Aamma nangitseqqinnissaq pinaveersimatitsinissarlu siunertarlugit avataani unioqqutitsisoqarneranik ilimagisat pillugit paasissutissat avitseqatigiissutigineqarsinnaapput. Aalajangersagaq naapertorlugu paasissutissanik assersuutigalugu ingerlatseqatigiiffit suliffeqarfissuarmi imminnut atasut akornanni avitseqatigiittoqarsinnaavoq, assersuutigalugu unioqqutitsinertut oqaatigineqartoq pillugu paasissutissanik annertunerusunik pissarsinissaq siunertaralugu imaluunniit nalunaarutigineqartumik pineqartumik naleqquttumik qanoq nangitseqqittoqarsinnaaneranik isumasieqatigiinnissaq ilitsersorneqarnissarluunniit siunertaralugu. Paasissutissanik taamaattunik ingerlatitseqqinnermut atatillugu ingerlatitseqqiivigineqartup ingerlatitseqqiisutullu paasissutissat imarisaat nipangiussimasussaatitaaneranik erseqqissumik ilisimatinnissaa piumasaqaataavoq, tak. § 24, imm. 2.

Imm. 4-mi siunnersuutigineqarpoq nalunaaruteqarnermi misissuinerit eqqartuussivimmiluunniit suliat suliamut attuumassuteqartut navianartorsiortinnejanganngippata imm. 2 malillugu ingerlatitseqqiinnginnermi pasinapiluttumik kalerriisartoq nalunaarfigineqassasoq.

Aalajangersakkap kinguneraa pasinapiluttumik kalerriisarnermut immikkoortortaqarfip paasissutissat nakkutilliinermi oqartusanut suliamut attuumassuteqartunut ingerlatseqqinnejartillugit pasinapiluttumik kalerriisartoq aallaaviusumik ilisimatissagaa, tassunga ilanngullugit politiinut unnerluussisussaatitaasunullu, ingerlatitseqqinnerlu pasinapiluttumik kalerriisartup kinaaneranik imaluunniit kinaaneranik paasinnissutaasinnaunik paasissutissanik imaqtillugu.

Pasinapiluttumik kalerriisarnermut immikkoortortaqarfik ilisimatinsinermi misissuinerit eqqartuussivimmilu suliat navianartorsiorneqartillugit taamatut ilisimatinsinngissinnaavoq. Tamanna pingaartumik pissaaq ilisimatinsinermi uppermarsaatit toqqortorneqariaannaatillugit suujunnaarsinneqariaataannaatillugillu, ilisimanittut il.il. sunnerniarneqariaannaatillugit, imaluunniit pasinapiluttumik kalerriisartoq piaaraluni eqqunngitsumik nalunaaruteqarneranik pasitsaassaqartoqartillugu il.il.

Imm. 5-imi siunnersuutigineqarpoq, Pisortat ingerlatsineranni suliassat suliarineqartarnerat pillugu Inatsisartut inatsisaanni peqataasup suliassamut tunngasunik ilisimasaqarnera,

peqataasup isumaanik tusarniaaneq tunngavilersuinerlu pillugit kapitalit 4-6 paasissutissanut imm. 1-imik taaneqartunut atuutinngitsut.

Aalajangersagaq, nalunaarutinik ingerlatsinermut oqartussani suliaqarnermi pasinapiluttumik kalerriisup kinaanerata isertuunneqarnissaata qulakkeerneqarnissaanik siunertaqarfiusoq, kinguneqarpoq, pisortat ingerlatsineranni suliassanik suliariinnittarneq pillugu inatsimmi allagaatinik takunnissinnaatitaaneq pillugu kapitali 4, illuatungerisamik tusarniaaneq pillugu kapitali 5 aamma kapitali 6 tunngavilersuineq pasinapiluttumik kalerriisup kinaanera paasissutissallu allat pasinapiluttumik kalerriisup kinaaneranik toqqaannartumik toqqaannanngitsumillu paasinniffiusinnaasut pillugit paasissutissanut atuutinngitsut.

Kinaanermik isertuussilluni pasinapiluttumik kalerriisup nalunaaruteqarnerani paasissutissat pissutsit malillugit suliap aallartinneqarneranut tunngaviusinnaapput. Paasissutissat taamaattut akerlianik malittarisatut pingaarnertut annertuumik aalajangiinermi uppermarsaatit ilaattut tunngaviusinnaanngillat. Oqartussat taamatut pisoqarnerani paasissutissanik suliap suliariineqarneranut atugassanik annertunerusunik pissarisaqartariaqalersinnaapput. Paasissutissanik taamaattuni inuk pineqartoq suliassanik suliariinnittarneq pillugu inatsit malillugu suli ilaatinneqarsinnaavoq, oqartussallu suliassanik suliariinnittarneq pillugu inatsisini tunngaviusumik malittarisassat nalinginnaasut eqqortittussaassavaat, tassunga ilanngullugu suliami aalajangiinnginnermi naammattunik paasissutissiinissaq

§ 26-mut

Imm. 1-imik siunnersutigineqarpoq, Naalakkersuisut paasissutissat suliamut attuumassuteqartut tamaasa nalunaarutinik tigisisussatut nangitseqqiisussatullu toqqaerneqartunit, tak. § 11 aamma § 17 naatsorsueqqissaarnerit suliariinerannut atugassatut pissarsiarisinnaassagaat.

Aalajangersakkami siunertaq tassaavoq, Inatsisartut inatsisaat aaqqissuussinerillu piffissami naleqquttumi atutereerneranni nalilersorneqarnissaannik periarfissiinissaq. Tamanna nunatsinni pissutsinut tunngatillugu inatsimmi sinaakkutinik sammiveqartitseqataalersinnaavoq. Naatsorsueqqissaarnerit ilaatigut suliffeqarfik avataani pasinapiluttoqarneranik kalerriisoqarsinnaatitsinermik qaqugukkut pilersitsisussaaneranut killigitat eqqortumik aalajangerneqarsimanersut aamma sulifimmi aaqqissuussinerit taakkulu suliassanik pasinapiluttumik kalerriinermi suliaqarfiusinnaassuseqarneranik isumassarsisitsisinjaassapput.

Imm. 2-mi siunnersuutigineqarpoq Naalakkersuisut paasissutissat suut avataani suliffimmilu pasinapiluttoqarneranik kalerriisoqarsinnaatitsinermut aaqqissuussinernit pissarsiarineqarusunnersut aalajangersaassasut. Tassunga ilanngullugit cpr.nr. il.il. nalunaarutigineqartut pillugit paasissutissanik nalunaaruteqartullu suneri pillugit paasissutissanik qinnuiginnitoqarsinnaavoq

§ 27-mut

Imm. 1-imi siunnersuutigineqarpoq suliffimmii avataanilu aaqqissuussinerit piffissaliussanik eqortitsinngippata Naalakkersuisut Siulittaasuanut maalaaruteqartoqarsinnaassasoq, tamatumanilu Siulittaasoq naammagittaalliorneq pillugu aalajangiisinnalluni.

Aalajangersakkatut siunnersuutigineqarpoq Naalakkersuisut Siulittaasuat §§ 12 aamma 18-ip ataanni naammagittaalliornermut kina akisussaanersoq pillugu aalajangiinissamut akisussaavoq. Pasinapiluttumik kalerriisunik illersuineq pillugu Danmarkimi inatsimmi nr. 1436 29. juni 2021-meersumi Inatsisinik Atortitsinermut Ministereqarfik suliassaqarfimmii akisussaavoq. Tamanna tunngavilersorneqarpoq pasinapiluttoqarneranik kalerriisoqarsinnaatitsinert inatsisilerinermi ilaatigut politiini, isertortumik paasiniaasartuni unnerluussisussaatitaasuni suliarineqartarneqarnikuunerat. Tassunga ilanngunneqassaaq immikkoortoq aalajangersakkanut tunngatillugu pinerluttulerineq pillugu inatsimmut tunngatillugu pineqaatissiisarneq aamma akinummik pillaateqarnermi taarsiissuteqartarneq pillugit aalajangersakkanut attuumassuteqartoq.

Suliffeqarfiiit suliffimmii pasinapiluttoqarneranik kalerriisoqarsinnaatitsinermut piumassutsiminnik pilersitsisut, Inatsisartut inatsisaanni aalajangersakkanik aamma eqortitsisussaatitaapput ilaatigullu piffissaliussat eqqortissallugit. Suliffeqarfiiit avataani pasinapiluttoqarneranik kalerriisoqarsinnaatitsinermi aamma Inatsisartut inatsisaanni aalajangersakkanik eqortitsisussaatitaapput.

Suliffimmii avataaniluunniit pasinapiluttoqarneranik kalerriisoqarsinnaatitsineq pillugu maalaarut Naalakkersuisumut suliassaqarfimmik akisussaasumut allaganngorlugu nassiunneqassaaq. Maalaarut paasissutissanik Naalakkersuisup suliassaqarfimmik akisussaasup maalaarummi suliffeqarfiiup suuneranik paasinissaanut naammattunik imaqassaaq. Pasinapiluttumik kalerriisup kinaanera isertuutiinnarniarlugu, qaqugukkut nalunaaruteqartoqarneranik paasissutissanik pasinapiluttumik kalerriisartoq ilisimatitsissaaq, taamaalillunilu suliffeqarfiiup suunera paasineqarsinnaaniassammatt piffissarititallu naatsorsorneqarsinnaaniassammata.

Imm. 2-mi siunnersuutigineqarpoq pasinapiluttoqarneranik kalerriisoqarsinnaatitsinermi §12-imni imaluunniit § 18-imni piffissaritiat qaangerneqarpata, pasinapiluttumik kalerriisartoq Naalakkersuisumut suliassaqarfimmik akisussaasumut maalaaruteqarsinnaasoq.

Naalakkersuisoq suliassaqarfimmik akisussaasoq isumaqarpat qaangiineq suliap suunerani imarisaañilu tunngavilersorneqanngitsoq, Naalakkersuisup suliassaqarfimmik akisussaasup suliap suliarineqarnerata naammassinissaanut suleqatit pingajunnik allamik toqqaasinnaavoq. Suliffeqarfiup suleqatit pingajuannut sumulluunniit attuumassuteqanngitsumut Naalakkersuisup suliassaqarfimmik akisussaasup toqqagaanut aningaasartuutit tamaasa akilissavai. Sulisitsisoq akiliisinnaajunnaarpat allanilluunniit pissuteqarluni akiliisinnaanngippat, tassunga aningaasartuutit Nunatta Karsiata akilissavai.

Sulisitsisoq imaluunniit suleqatit pingajuat sumulluunniit attuumassuteqanngitsoq sulisitsup toqqagaa paasissutissanik tigusaminnik, misissuinerminnilu upernarsaatit paasisaagallartullu suleqatit pingajuannut sumulluunniit attuumassuteqanngitsumut Naalakkersuisup suliassaqarfimmik akisussaasup toqqagaanut tunniunneqassallutik.

Naalakkersuisup suliassaqarfimmik akisussaasup toqqaanerani Inatsisartut inatsisaanni aalajangersakkani suliamut attuumassuteqartuni piffissaliussat aallarteqqinnejassapput.

§ 28-mut

Imm. 1-imni siunnersuutigineqarpoq, pasinapiluttumik kalerriisartoq imaluunniit inuk aamma inatsisit tunngavigalugit inuttut isigineqartoq § 8, imm. 1 ilaatinneqartoq, nalunaaruteqarnerup kinguneranik pillaatitut akiniarneqartoq imaluunniit nalunaaruteqarnissamut akornuserneqartoq akornuserniarneqartorluunniit taarsiivigineqarnissamik piumasaqaateqarsinnaasoq.

Aalajangersakkami siunertaavoq pasinapiluttumik kalerriisup imaluunniit inuup inatsisilluunniit tunngavigalugit inuttut atassuteqartup pasinapiluttumik kalerriisartumut atassuteqartup § 8, imm. 2-mi annertusisamik inunnut ilaatinneqartoq, pineqartoq nalunaaruteqarnerup kinguneranik pillaatitut akiniarneqarpat aningaasatiguunngitsoq ajoquserneqarnerminut taarsiivigineqarnissaata qulakkeernissaa.

Aningaasatiguunngitsoq ajoquserneqartumut taarsiivigineqarsinnaanermi pillaammik akiniaanissamut inerteqquteqarnermik unioqqutitsinerit tamarmik ilaapput.

Taarsiinerup annertussusissaa pillugu aalajangersagaliortoqarnissaa siunnersuutigineqanngilaq, tassa tamanna suliani ataasiakkani pissusivinnik tamakkiisumik

nalilersuineq aallaavigalugu aalajangerneqartariaqarmat. Pingaartumik ajoqusiisup iliuusaata ajoqutillu sunneri inummut inatsisilluunniit tunngavigalugit inuttut isigineqartumut ajoqusiinertut ilimagineqartariaqartut taarsiissutissamik annertussusiliinermi pingaartinneqassapput. Tassunga atatillugu ilaatigut inuup inatsisilluunniit tunngavigalugit inuttut isigineqartup pillaammik akiniarneqarani pissutsit sukumiinerusut pingaartinneqarsinnaapput. Kisianni Kalaallit Nunaanni suliffeqarnermi najukkamilu suliffeqarnermilu killeqartumi pissutsit aamma pasinapiluttumik kalerriisup nalunaaruteqarnerata kingunissaasa immikkut pingaartinneqarnissaat pingaaruteqarpoq. Kisianni pasinapiluttumik kalerriisup immikkoortumi immikkut killeqartumi sulinera taamaalillunilu nalunaaruteqarneq assigisaaluunniit saqqummerpat ajornerusumik ajutoorfeqariaannaanera aamma mianerineqassapput.

Aningaasaanngitsunik ajoquusernermut taarsiivigineqarnerup saniatigut tamassumunnga piumasaqaatit eqqortinnejarpata Kalallit Nunaanni inatsisini taarsiinermut malittarisassat nalinginnaasut malillugit taarsiiffigineqarnissamik piumasaqaateqartoqarsinnaavoq.

Imm. 2-mi siunnersuutigineqarpoq, sulisoq Inatsisartut inatsiaanni aalajangersakkamut akerliusumik soraarsinneqarpat, soraarsitsineq atorunnaarsinneqassaaq, sulisullu atorfegaannarnissaq atorfineqqinnissarlunniit kissaatigippagu. Tamannali immikkut pisuni aamma illuatungeriit soqtigisaannik nalilersuinerup kingorna atorfegaannarnissap atorfineqqinnissalluunniit piumasarinissaa naleqqutinngitsuusorinarpat atuutinngilaq.

Aalajangersagaq kinguneqarpoq, sulisoq pisortani namminersortuniluunniit atorfearnera apeqqutaatinnagu, sulisup pineqartup atorfegaannassanerluni, atorfineqqissanissani kissaatigissanerlugu pineqartumilluunniit Inatsisartut inatsisaat unioqqutillugu soraarsitsisoqarsimanera eqqartuussinikkut aalajangerneqarpat, taarsiullugu taarsivigineqarnissamik kissaateqassanerlu sulisup nammineq aaljangissagaa.

Imm. 3-mi siunnersuutigineqarpoq pasinapiluttumik kalerriisartoq unioqqutitsinerit, tak. § 7, imm. 2, pillugit uppernarsaatnik pissarsinerup imaluunniit paassisutissanut uppernarsaatissanik pissarsiniarnerup kinguneranik pillaatitut akiniarneqartoq taarsiivigineqarnissamik piumasaqaateqarsinnaasoq. Taarsiissutip annertussusia Kalaallit Nunaanni suliffeqarnermi atugassaritinnejartut mianeralugit aalajangerneqassaaq.

Aalajangersakkami imm. 1-imi taarsiissuteqarneq pillugu aalajangersagaq imatut annertusineqarpoq, akunermiliuttut, suleqatit pingajui suliffeqarfiallu pasinapiluttumik kalerriisartumut atassuteqartut aamma ilanngunneqarlutik.

§ 29-mut

Imm. 1-imí siunnersuutigineqarpoq pasinapiluttumik kalerriisup inatsit manna malillugu nalunaaruteqarnermi tamanulluunniit saqqummiussinermi ajoquitissarsisimalluni upernarsarpagu illuatungerisap ajoquteqalerneq nalunaaruteqarnerup kinguneranik pillammik akiniutaanngitsoq upernarsassagaa.

Aalajangersagassatut siunnersuutigineqartoq pillammik akiniuteqarnissamut inerteqquteqarneq pillugu siunnersuummi § 8, imm. 1-imut atatillugu isigineqassaaq. Aalajangersagassatut siunnersuutigineqartoq aamma pillammik akiniuteqarnissamut inerteqquteqarnermik unioqqutsitsisoqartillugu taarsiivigineqarsinnaatitaaneq pillugu siunnersuummi § 28-mut atatillugu isigineqassaaq.

Pasinapiluttumik kalerriisup, Inatsisartut inatsisaat naapertorlugu unioqqutitsinermik nalunaaruteqarluni avammulluunniit saqqummiilluniluunniit tamassumalu kinguneranik ajoquserneqarluni upernarsarpagu, illuatungerisaq, tassa sulisitsisoq il.il. pasinapiluttumik kalerriisumik ajoqusiisoq upernarsaasunngussaaq. Illuatungerisap taamaalilluni nalunaarut avammulluunniit saqqummiinerup ajoqusiinermut atassuteqangitsoq upernarsassavaa.

Nalunaaruteqarnerup pasinapiluttumik kalerriisumullu ajoqusiinerupimminnut atannginnerannik upernarsaanermut tunngatillugu illuatungerisaq immikkut upernarsaasussaatitaavoq.

Tamanna pillugu pillammik akiniuteqarneq pillugu § 8-mut nassuaatit takukkit.

Imm. 2-mi siunnersuutigineqarpoq, imm. 1 taamatuttaaq inunnut § 8, imm. 2-mi ilaatinneqartunut sulliamut attuumassuteqartillugu atuutissasoq.

Aalajangersagaq kinguneqarpoq inuit siunnersuummi § 8, imm. 2-mi ilaatinneqartut imm. 1-imí siunnersuutigineqartutut immikkut upernarsaasussaatitaaneq pillugu malittarisassamut ilaatinneqartut.

§ 30-mut

Imm. 1, nr. 1-imí siunnersuutigineqarpoq § 24-mik piaaraluni mianersuaalliorujussuarluniluunniit unioqqutitsisoq Kalaallit Nunaanni pinerluttulerinermut inatsit malillugu pineqaatissinneqassasoq.

Tamassuma kinguneraa inuit § 25 malillugu nalunaarutinik tigusaqartut suliaqartullu aamma ingerlatitseqqinnermut paasissutissanik paasiaqartut § 24-mut, piaaralutik mianersuaalliorujussuarlutilluunniit § 25 malillugu nipangiussimasussaatitaanermik sumiginnaasut akiliisitsinikkut pineqaatissinnejarsinnaasut.

Imm. 1, nr. 2-mi siunnersuutigineqarpoq, piaaraluni paasissutissanik eqqunngitsunik nalunaarutiginnitoq tamanulluunniit saqqummiisoq Kalaallit Nunaanni pinerluttulerinermut inatsit malillugu pineqaatissinnejassasoq.

Paasissutissanik eqqunngitsunik nalunaaruteqarnerrup avammulluunniit saqqummiinerup “piaaraluni pisimanissaanik” piumasaqaat isumaqarpoq, nalunaarutip avammulluunniit saqqummiinerp paasissutissanik eqqunngitsunik imaqarnera pineqartup ersarissumik ilisimassagaa. Nalunaarut pasinapiluttunik nalunaaruteqarsinnaatitaaviup tiguppagu unioqqutitsisoqarpiarsimassaaq.

Siunnersuutigineqarpoq unioqqutitsinerup imarisaa naammassisimassasoq, nalunaarutit aaqqissuussinermi tiguneqarpata. Inerteqquteqarnertut siunnersuutigineqartumi siunertaq tassaavoq, ajorniarluni nalunaaruteqarnissap pinngitsoortinnissaa pasinapiluttumik kalerriisunillu illersueriaatsip upternassuseqaannarnissaa. Aamma oqaatigineqassaaq, paasissutissanik eqqunngitsunik piaaraluni nalunaaruteqarneq tamanulluunniit saqqummiineq immikkut inatsisini aalajangersarneqartumik nipangiussimasussaatitaanermik unioqqutitsineq pineqarpat pissutsit malillugit akisussaatinneqarsinnaasoq.

Imm. 2-mi siunnersuutigineqarpoq, sulisitsisoq, tak. §§ 9 imaluunniit 15, sulisitsisup kapitalit 3 aamma 4 malillugit pisussaaffimminik eqqortitsinngitsoq Kalaallit Nunaannut pinerluttulerineq pillugu inatsit malillugu pineqaatissinnejarsinnaasoq.

Pineqaatissiineq pillugu aalajangersagassatut siunnersuutigineqartoq § 15-imí upternarsaasiortussaatitaanertut siunnersuutigineqartumut atatillugu isigneqassasoq, tassani pingartumik Inatsisartut inatsisaanni kapitalit 3-mi aamma 4-mi malittarisassat eqqortinneqannginnerannik ilimagisaqarnermi misissuisinnaanermut tungavissiinissaq siunertaalluni. Tassunga atatillugu oqaatigineqassaaq, § 14-itut siunnersuutigineqartumi upternarsaasussaatitaanerup eqqortinneqannginnera nammineq akiliisitsinikkut pineqaatississutaasinnaasoq.

Imm. 3-mi siunnersuutigineqarpoq, ingerlatseqatigiiffiit il.il. (inatsisit malillugit inuttut isigineqartut) pinerluttulerineq pillugu inatsimmi kapitali 5 malillugu pinerlussimasutut akisussaatinneqarsinnaassasut.

Imm. 4-mi siunnersuutigineqarpoq pillammik akiliut arsaarinninnerluunniit, § 29, imm. 1-3 aalajangerneqartoq Nunap Karsianut akilerneqassasoq.

§ 31-mut

Imm. 1-im i siunnersuutigineqarpoq inatsit ulloq 1. juli 2024 atuutilersinneqassasoq.

Tamassuma kinguneraa avataani pasinapiluttoqarneranik kalerriisoqarsinnaatitsineq ulloq 1. juli 2024 atuutilissasoq, takujulli imm. 3-tut siunnersuutigineqartoq. Oqaatigineqassaaq pissutsit inatsisip atuutilinnginna sioqqullugu pisut pillugit nalunaaruteqartoqarsinnaassasoq, nalunaarutillu taamaattut inatsisip atuuffiata iluaniippata itigartinneqarsinnaanngitsut, tak. imm. 2.

Imm. 3-mi siunnersuutigineqarpoq, kapitali 4 sulisitsisunut namminersortunut 100-t tikillugit sulisulinnut 1. januar 2025 atuutilissasoq.

Tamanna pillugu namminersorluni inuussutissarsiuteqarnermut pisortanullu kikkut ilaanerat pillugu § 9-mut oqaaseqaatit takukkit.

Tusarniaaneq pillugu allakkiaq

Tusarniaanermut atatillugu tusarniaaffit tulliuttut siunnersummut oqaatigisassaqarnatik tusarniaanermut akissuteqarput:

Aalisarnermut Piniarnermullu Naalakkersuisoqarfik

SISA Pension

Kalaallit Airports Holdning A/S

Naalakkersuisut Siulittaasuata Naalakkersuisoqarfia

Kommunqarfik Sermersooq

Ilisimatusarfik

Rigspoliet

INI

ASG

Meeqqanut, Inuuusuttunut Ilaqtariinnullu Naalakkersuisoqarfik

Tusarniaanermut akissutit nalinginnaasutut allanneqarput, oqaatigisallu *uingasunngorlugit* allanneqarlutik.

Nunanut allanut, Inuussutissarsiornermut Niuernermullu Naalakkersuisoqarfik

§ 30, imm. 3-mi ima allassimasoqarpoq: " Ingerlatseqatigiiffiit il.il. (inatsisit malillugit inuttut isigineqartut) pinerluttulerineq pillugu inatsimmi kapitali 5 malillugu pillarneqartussatut akisussaatinneqassapput. "pillarneqarluni akisussaatinneqarneq" "pinerluuteqarsimanermik akisussaatinneqarnermik" taarserneqarpat eqqornerussaaq.

Allannguuitit inatsisissatut siunnersummut nassuaatitaanullu ilanngunneqarput.

Namminersorlutik inuussutissarsiortut ilaat inatsisissamik kalluarneqartussat naammattumik paasitinneqarnissaat qulakteerniarlugu pisariaqartut suliniutigineqarnissaat kaammattuutigineqarpoq.

Siunnersuut ilanngunneqarpoq. Immikkoortoq 3-mi inatsisip akuerineqarnerani paasititsiniaanissamut aningaasanik immikkoortitsisoqarpoq.

Sulisitsisut

”Unioqqutsitsinerit inatsisisatut siunnersuummi allassimasut ullumikkut ajornaatsumik sukkasuumillu pisaammata, taamatut unioqqutitsinernut assinganik ajornaatsumik sukkasuumillu iliuuseqartoqarnissaa pisariaqarmat, Sulisitsisut aallaqqaasiullugu oqaatigaat.

Siunnersuutigineqartutulli aaqqissuussinermi, aaqqissuussamik eqqunngitsumik, takuneqajaarsinnaasumillu pisariaqanngitsunik nalunaarsuinerit inatsimmulluunniit ilaannngitsut qulakkeerinniffigineqarnissaat pisariaqarpoq. Taamaaliornermi ilinniakkatigut piginnaaneqarluarneq attuumassuteqanngitsumillu kalerriinernik tigusisarneq tunngavissaatinneqarpoq.

Tusarniaanermut akissut allannguinissamik pisariaqalersitsinngilaq. Ilaatigut § 18, imm. 3-mi taamatut oqimaaqatigiissitsineq pilersinniarneqarpoq. Taamattaaq pasinapiluttunik kalerriisarnernik avataani aaqqissuussinerit suliffeqarfinnut maalaarutinik suliarinninnernik misilittagaqartuni arlalinni katersornissaat ilimagineqarpoq.

Tusarniaanermut siunnersuutigineqartoq naapertorlugu Naalakkersuisut siunnersuummi § 9, imm. 2, uniffit aappaat naapertorlugu suliffeqarfiit ataatsimoorussamik aaqqissuussaannik pinngitsoortitsisinnaapput. Tunngavissat taamatut akuliunnissamut tunngavigineqartussat suuneri Sulisitsisut paasiumavaat.

Siunnersuut ilanngunneqarpoq, aalajangersakkallu marluk innersuunneqartut peerneqarput.

§ 3, imm. 7-imí oqaaseq “pissarsineq” pissutsit aaqqissuussinermut ilaasuttut oqaatigineqarsinnaaneranni, pineqartup tungaanit immikkut iliuuseqarnissamik tunngavissaqartitsinersoq paasissutissiissutigineqassasoq Sulisitsisut kissaatigaat.

Tassannga nalornissuteqarneq pinaveersimatinniarlugu oqaaseq “Whistleblower” allanngortinneqarpoq.

Uunga tunngatillugu inuit pillugit paasissutissanik suliarinninnissami tunngavissarititaasut – inuit pillugit paasissutissat suunerat apeqqutaatillugu – inuit pillugit paasissutissanisut innersut Sulisitsisut paasissutissiissutigineqarnissaa kissaatigaat? Paasissutissanik akisussaasup paasissutissat tiguneqartut suliarineqarnissaasa naapertunnerannik naliliisussaanerata, aarlerinaat nassatarisinnaavaa, paasissutissammi suliarineqarnissaannik kissaateqarneq suliami naliliinermik toqqammaveqarsinnaavoq, tassanilu paasissutissanut akisussaasuusoq taamatut naliliinissamut naammattumik paasissutissanik pigisaqanngeratarsinnaammat. Taava qanoq pisoq suliarineqassava?

Tusarniaanermut akissut allannguinissamik pisariaqalersitsinngilaq. Siunnersuutip § 21 tassungalu nassuaatit tamanna isummerfigivaat, paassisutissami taamaallaat pasinapiluttoqarneranik nalunaarutiginninnermik aaqqissuussineq naapertorlugu suliarineqarsinnaanerat innersuussutigineqarmat, kiisalu paassisutissanut akisussaasuuusoq paasisutissanik tiguneqartunik suliarinninnissamut pisariaqartitsineroq naliliusussaammat. Taamattaaq § 24 pasinapiluttoqarneranik kalerriniemi sorianik suliarinninnermут aatillugu nipangersimasussaatitaanermik imaqrpoq. Nipangersimasussaatitaaneq taanna piffissami killeqanngitsumi atuuppoq.

IMAK

Avataani pasinapiluttoqarneranik kalerriniemi aqqissuussinermik pilersitsinissamut minnerpaamik sulisut 30-ussasut § 16-imik allassimavoq. Avataani pasinapiluttoqarneranik pasinalitooqarneranik nalunaaruteqarsinnaatitaanermik pilersitsinissami sulisut amerlassusaat 15-init 20-nilluunniit amerlassusilerneqartariaqartoq IMAK isumaqrpoq. Pisortat suliffeqarfii tamarmik taamatut periarfissaqartariaqartut IMAK isumaqrpoq.

Suliffeqarfinnut namminersortunut sulisunut 30-nut killiliineq suliffeqarfiit, taamaalillunilu sulisartut sapinngisamik amerlanerpaat aaqqissuussinermut ilaatinneqarnissaannik, kiisalu avataani pasinapiluttoqarneranik kalerriniemi aqqissuussinermik pilersitsinissamut passussinermullu sulisitsisut aningaasatigut nammakkerneqarneranni oqimaaqtigiissitsiumaneq eqqarsaatigineqarpoq.

§ 15, imm. 2-mi Naalakkersuisut sulisut amerlassusaannik piumasaqaammik appaasinnaanermik periarfissaqarput. Taamaaliornikkut misilittagaalerumaartut tunngavigalugit killiliinerup appartissinnaanera periarfissinneqarpoq.

Pisortat suliffeqarfii tamarmik aqqissuussinermik pilersitsissapput, aamma 30-t inorlugit sulisoqaraluarunilluunniit.

Ineqarnermut Attaveqarnermullu Naalakkersuisoqarfik

§ 3, imm. 7-imik “pissutsilluunniit allat” ilanngunneqarsinnaanerpa?

Siunnersuut ilanngunneqarpoq.

Transparency International Greenland (TIG)

TIG siunertaq pillugu pasinapiluttunillu kalerriisarnermik aaqqissuussinerup tatiginarluarnissaanut arlalinnik saqqummiussivoq.

Pasinapiluttoqarneranik aaqqissuussinermut pitsaasumik sinaakkutinut Naalakkersuisut isumaqataapput, aaqqiissutissatullu saqqummiunneqartup soqutigisanik assigiinngitsunik oqimaaqatigiissitsisoq isumaqarlutik.

Piffissap ingerlareernerani inatsit siunertarineqartutut sunniuteqarnersoq pillugu naliliisoqassasoq TIG-p kaammattuitigaa.

Inatsisit allat assigalugit inatsisip ilusiligaanera atuunneralu pillugit naliliisoqartariaqartoq Naalakkersuisut isumaqatigaat, tak. aamma siunnersuummi § 26.

§ 19 pasinapiluttunik kalerriisarneq pillugu ilinniagaqarnissamik, paasissutissaannaanngitsunik, piumasaqartoqalersillugu annertusineqartariaqartoq TIG isumaqarpoq.

Siunnersuut ilanngunneqarpoq.

Taamma illup iluani aaqqissuussinernik sulianik suliarinnittut, inatsimmi illersuinermut ilaatinneqarnissaat TIG-p siunnersuutigaa.

Pineqartut siunnersuut malillugu illersugaanermut ilaapput, tak. § 28, imm. 1, § 8, imm. 2-mut innersuussisoq, tassani “akunnermiliuttut” taaneqarput.

Ulloq 1. Januar aallarnerfigalugu, 1. Januar 2025-miinngitsoq suliffeqarfiiit tamarmik ilaatinneqalernissaat TIG-p ornigaa.

Oqaatigisat allannguinissamik pissutissaqalersitsinngillat, inatsimmi siusinnerpaamik 2023-mi ukiakkut ataatsimiinnermi akuersissutigineqarsinnaavoq, taamaammallu suliffeqarfiiit malittarisassanik nutaanik piareersarnissamut naammattumik piffissaqassanngillat.

§ 1, imm. 1-imi “inatsisinik mianernartunillu allanik unioqqutitsinerit pillugit nalunaaruteqarnernut atuuppoq” siunertarineqartut TIG-p iluarisimaarpai. Isumarput malillugu killiliineq pisumut aalajangersimasumut tutskuminaatsoq matumani pineqarpoq, tamannalu pasinapiluttumik kalerriuteqarsinnaasut (taassumaluunniit siunnersortaata) inatsit

malillugu illersugaasoqarsinnaaneranik inatsisitigut inissisimaneq siumut takorlooruminaatsissinnaavaa.

Pasinapiluttumik kalerriisoq inatsisit malillugit illersugaalersinnaanermi “kalerriinnerup, paasissutissallu inatsisip atuuffianiinnerat” ilimagineqarsinnaasariaqarnerata piumasaqaataanera peerneqassasoq TIG-p siunnersuutigaa, tak. § 6 oqaasertat aappaat, naliliinermi taanna sulisumut “nalinginnaasumut” pitsaasumik nalilissallugu ajornakusoortorujussuusinnaammatt. § 6 oqaasertat kingulliit sumik siunertaqarnersut TIG-p takujuminaatsippaa.

Oqaatigineqartut allannguinissamut pissutissaqalersitsinngillat. § 1, imm. 1-imut tunngatillugu inatsisip siamasissumik attuiffeqarnissaa pingartinneqarpoq. § 6-imut nassuaatini pasinapiluttumik kalerriuteqartup ajunngitsumik siunertaqarnera innersuunneqarpoq. Sulisoq “nalinginnaasoq” taamaalilluni nalunaarutigineqartut inatsisip atuuffianiinnerannik naliliisariaqanngilaq. Pasinapiluttumik nalunaarutiginnittooq ajunngitsumik siunertaqartillugu, pineqartoq inatsit malillugu illersugaassaaq.

Pasinapiluttumik kalerriisarnermik aaqqissuussinerup assortoruminaatsuuunera sulisunik taakkuninnga suliaqartut illersorneqarneratigut qularnaarneqartariaqartoq TIG isumaqarpoq.

Tusarniaanermut akissut allannguinissamut pissutissaqalersitsinngilaq, siunnersuummimmi § 28, imm. 1, § 8, imm. 2 naapertorlugu pineqartut aaqqissuussanut inunnnulluunniit allanut, imaluunniit suliffeqarfinnut avataani aaqqissuussanut akunnermiliuttuunerat apeqquataatinngagu naammattumik illersugaanerat qulakkeerneqartutut isigineqarpoq.

Suiffeqarfiit minnerusut arlallit inatsimmi ilaatinneqanngillat. Tamanna ajornartorsiornarpoq.

Oqaatigineqartut allannguinissamut pissutissaqalersitsinngillat. Sulisunik 30-nik killiliineq suliffeqarfiit minnerit sulisullu inatsimmik illersorneqartut amerlassusiisa aningaasartuutinut sanilliullugu oqimaaqatigiissinniarlugit aalajangerneqarpoq. Naalakkersuisut aaqqissuussinernik ingerlaavartumik nalilersuiumapput, pisariaqartitsinerlu naapertorlugu aamma sulisitsisut namminersortut 30-nit ikinnerusunik sulisullit avataani pasinapiluttoqarneranik kalerriisarnermik aaqqissuussinermik pilersitsinissaannik malittarisassiortoqassaaq.

Sulisut oqaaseqarsinnaanermut pisinnaatitaanerat inatsisikkut ugguna killilersorneqarnani nukittorsarneqassasoq erseqqissarneqassasoq TIG-p kaammattuutigaa.

Oqaatigineqartut allannguinissamut pissutissaqalersitsinngillat.

Naggasiullugu pasinapiluttoqarneranik kalerrisarnermik aaqqissuussinerit pilersinneqarnerannut, aaqqissuussinerullu siamasissumik iltsersuutigineqarnissaanut aningaasanik annertuunik illikartitsisoqartariaqartoq TIG erseqqissaavoq.

Siunnersuummi immikkoortoq 3, aningaasatigut kinguneqaatit, inatsimmik pasinapiluttoqarneranillu kalerrisarnermik aaqqissuussamut paasititsiniaanissamut aningaasanik immikkoortitsisoqarnissaa allanneqarpoq.

Transparency International Greenland tamatuma saniatigut siunnersuummi aalajangersakkanut ataasiakkaanut arlalinnik oqaatigisassaqarpoq.

Taakku naapertuuffii malillugit ilannngunneqarput.

Digitalinngorsaanermik Aqutsisoqarfik

§ 3, nr. 7 “pissarsisimasoq” “periarfissaqarsimasoq”-mut allanngortinneqassasoq kaammattutigineqarpoq.

§ 3, nr. 7 oqaasertalerneqarnera allanngortinneqarpoq, kingornalu aallaavittut pasinapiluttoqarneranik kalerrisoq sulianut tunngasunik suliaqarnermut atatillugu paasissutissanik pissarsisimanera maanna aallaaviulerpoq.

§ 5, imm. 2-mi inuit IT-mi nalunaarsorsimasumi tigussaasumilluunniit nalunaarsuiffimmi inuit pillugit paasissutissanik tamanut saqqummiussinermut isummerneq maqaasineqarpoq. Paasissutissanik katersivimmi inuit nalunaarsorsimasut pillugit paasissutissanik tamanut saqqummiussineq “inuup aalajangersimasup inuuneranut isumannaatsuuneranillu navialisitsinermit” aallaanerusumik kinguneqarsinnaavoq. Aamma tutsuiginassutsimikkut, nammineq inuuneqarnissamikkut ilaqtariittullu inuuneqarnissamikkut, kiffaanngissuseqarnermik pisinnaatitaaffimmikkut aningaasaqarnikkulluunniit akornuserneqarsinnaapput.

§ 5 malillugu illersuinissamut siunertaq inunnut allanut pasinapiluttoqarneranik kalerrutiginnittup tamanut saqqummiussinerata kinguneranut akornusersinnaasunut kalerrisoq pineqaatissinneqarsinnaanermut illorsorneqarnissaanik kinguneqartariaqanngilaq.

Tusarniaanermut akissut allannguinissamut pissutissaqalersitsinngilaq. Paasissutissat naapertuutinngitsut, inatsisinillu unioqqutitsinerusinnaasut siaruarnissaat soorunami

pinaveersimatinniarneqassasoq Naalakkersuisut isumaqatigaat. § 5-mili aalajangersagaq ataasiakkaat tamallu isiginiarneqarneranni oqimaaqatigiissarneqarpoq. § 5 malillugu illersorneqarsinnaalernissami pasinapiluttoqarneranik kalerriisoq, pasinapiluttoqarneranik kalerriinermut aaqqissuussamut nalunaaruteqarsimassaaq. Taamattaaq § 5, imm. 2-mi normut pingasut ilaat ataaseq naammassineqarsimassaaq. Tamatuma saniatigut eqqartuussiviit tamanut saqqummiunneqartut tamanut saqqummiinermi siunertarineqartumut naapertuunnerannik nalilersuinissaat ilimagineqartariaqarpoq. Pasinapiluttoqarneranik kalerriisup akisussaatinneqassanngippat, inuit ataasiakkaat inuunerannut paasissutissat qaninneruleriartortillugit, paasissutissat tamanut pingaarutaat annertunerusariaqarpoq.